

**ILUARSIISSUT**

**Ataatsimiititaliap isumatissiissutaa 1. november 2021 ullulernerqartoq taarserpaa**

(kukkunikkut isumaliutissiissummi 01.11.21 ullernerqartumi inatsisissatut siunnersuutip annertusisamik tusarniaatigineqarsimanera oqaatigineqarsimanngilaq. Annertusisamik tusarniaanermi tassannga tusarniaaneq pillugu allakkiaq taamatuttaaq ilanngussatut D-tut ilanngunneqarpoq)

**Uunga siunnersuut:**

**Aningaasarsianit akileraarutit pillugit Inatsisartut inatsisaata allanngortinneqarneranik**

**Inatsisartut inatsisaat**

(Akeqanngitsumik biileqarnerup, akiliunneqarluni angalanerit, akeqanngitsumik oqarasuaateqarnerit, akeqanngitsumik internetseqarneq, akeqanngitsumik nerisaqarnerup, akeqanngitsumik ineqartinneqarnerup akileraarutitigut nalinga, akileraarutini ilanngaatinik il.il. inatsimmi aalajangersaaneq, suliffeqarfiit nunani allani illersornissamut oqartussat sullillugit suliaassanik suliarinnittartut Kalaallit Nunaanni akileraarutitigut angerlarsimaffeqarnissamik pisussaaffeqarnerat, transfer pricingimi uppersaasiinissamut piumasaqaatinik naammassinninnginnermi pineqaatissiissutit aamma ingerlatseqatigiiffiit akileraarummik akiliigallartarnerat il.il.)

*Aningaasaqarnermut Nunamullu Namminermut Naalakkersuisumit saqqummiunneqartoq*

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerineqarneranut**

**ISUMALIUTISSIISSUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattoq, Naleraq, siulittaasoq

Inatsisartunut ilaasortaq Erik Jensen, Siumut, siulittaasup tullia

Inatsisartunut ilaasortaq Hans Aronsen, Inuit Ataqtigiit

Inatsisartunut ilaasortaq Agathe Fontain, Inuit Ataqtigiit

Inatsisartunut ilaasortaq Aqqalu Jeremiassen, Atassut

Inatsisartunut ilaasortaq Vivian Motzfeldt, Siumut

Inatsisartunut ilaasortaq Jens-Frederik Nielsen, Demokraatit

UKA2021-mi ulloq 30. september siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Aningaasarsianit akileraarutit pillugit inatsimmut allannguutit arlallit siunnersuutip imarai.

Siunnersuutip kingunerisaanik suliassat Kalaallit Nunaanni kommunit aggornerisa avataanni nunani allani illersornissamut oqartussat sullinnerini suliarineqartussat, aktiaateqarluni imaluunniit piginneqataassuteqarluni ingerlatseqatigiiffinnit Kalaallit Nunaanni angerlarsimaffeqartutut nalunaarsorsimasunit aammalu Kalaallit Nunaanniittunik aqutsisoqartunik aatsaat suliarineqarsinnaapput.

Erniat minnerpaaffissaannut aalajangersaanissamut tunngavissaq erniamik nalinginnaasumik taarserneqassasoq siunnersuutigineqarpoq. Inuussutissarsiorluni imaluunniit iluanaarniarluni pisut avataanni inuit qaqugukkut pisassanik taamaatitsinermi iluanaarutinit, soorlu akiitsunut allakkianit, akileraartussaataalertarnerannut erniat minnerpaaffissaannut annertussusiliussaq aalajangiisuusarpoq.

Siunnersuutigineqarpoq akiliunneqarluni ajunngitsorsiassat aalajangersimasumik ilusillit, akileraartussaataasumut il.il. atugassiissutigineqartut, nalingi inatsimmi aalajangersarneqassasut. Tamatumani pingaarnertut siunertaavoq maleruagassat allaffissornikkut aqunneqarnerannik pisariinnerulersitsinissaq kiisalu nalinginik aalajangiisarnerup ajunngitsorsiati nalinginut naapertuunnerulersinneqarnissaa. Tamatuma saniatigut ajunngitsorsiassat taakkua tiguisumut A-tut isertitanngortinneqarnissaat siunertaavoq.

Tamatumunnga nangissutigalugu akeqanngitsumik biileqarneq pillugu annertussusiliussat iluarsineqarnissaannut siunnersuummik siunnersuut imaqarpoq.

Siunnersuutigineqarpoq akileraarutitigut ilanngaati annertussusaat il.il., maannamut ukiumoortumik Inatsisartut aalajangiinerisigut aalajangersarneqartartut, inatsisip oqaasertaanni

toqqaannartumik aalajangersarneqassasut. Tassani pineqarput inummut ilanngaat aamma ilanngaat aalajangersimasoq, isertitat b-t akileraaruteqaataasusaaingitsut aningaasartaat aammalu killilimmik akileraartussaataitanermut ilanngaat. Tamatuma saniatigut kommunini ataatsimoorussamik akileraarutitut procentiliusaaq inatsimmi aalajangersarneqassasoq siunnersuutigineqarpoq.

Tamatuma saniatigut siunertaavoq ilanngaatit annertussusaat, taakkua inatsisip oqaasertaanni toqqaannartumik allasimalernerisigut, innuttaasunut paasiuminernerulersinneqarnissaat.

Siunnersuutigineqarpoq ingerlatseqatigiiffiit il.il. ingerlatseqatigiiffiup akileraarutigigallagassaata akilernissaanut periarfissinneqassasut. Ingerlatseqatigiiffiit taamaaliorunik, ingerlatseqatigiiffiup akileraarutaannit 6 %-imik akileraaruserinermik ingerlatsineq pillugu Inatsisartut inatsisaanni maleruagassat malillugit ukiup isertitaqarfiusup (ukioq akileraarusiiffiusoq) kingorna ukiumi akilernerqartartumik tapertussaaneq pinngitsoorsinnaassavaat.

Siunnersuutigineqarpoq transfer pricingimik uppersaammik nassiussisarnermut piffissamut killiliusaaq erseqqissarneqassasoq. Tamatumunnga nangissutigalugu siunnersuutigineqarpoq transfer pricingimut uppersaammik aamma nunamit-nunamut nalunaarusiamik suliaqartarneq nassiussisarnertu pillugit maleruagassat malinneqannginnerannut pineqaatissiisutitut atuutsitsisoqalissasoq.

Siunnersuutigineqarpoq akileraarut B ullumikkutut akilersorneqartussani 10-ni pinnani akilersorneqartussani 12-ni akilersinneqartassasoq.

Kiisalu Inatsisartut inatsisaanni nr. 18, 30. november 2020-imeersumi soraarnerussutisiaqalernissamut aqqissuussinermut peqataasusaaatitaaneq pillugu Inatsisartut inatsisaanni allanngortitsinerup malitsigisaanik suliffeqarnermut ilanngaat pillugu inatsimmi aalajangersakkani sunniutaasumik iluarsiinissaaq siunnersuummi siunertaavoq.

### **Siunnersuutip Inatsisartunit siullermeerneqarnera**

Siunnersuut siullermeerininnermi ilaannit tapersorneqarlunilu ilaannit tapersorneqanngilaq. Siunnersuut itigartinneqassasoq ikinnerussuteqartunit inassutigineqartoq amerlanerussuteqartut siunnersuummut tapersiipput. Tamatumalu peqatigisaanik siunnersuutip imarisai aalajangersimasut qulaajarneqartariaqartut oqaatigineqarpoq, tamatumanili siunnersuut tamakkiisoq itigartinneqarnani.

### **Tusarniaanermut akissutit**

Tusarniaanermut akissutit inatsisissatut siunnersuummut ilanngunneqarput, tamannalu Inatsisartut Siulittaasoqarfiata ilusiliinermut piumasaqaataanut naapertuuppoq. Inatsisissatut siunnersuut tamatuma saniatigut kommuninut ataatsimut akileraarutip procentia pillugu kommuninut immikkut tusarniaatigineqarsimavoq. Tamatuma saniatigut ataatsimiititaliap

paasivaa inatsisissatut siunnersuut manna piffissami aggustip ulluisa qulingiluaannit septembarip ulluisa qulingannut annertusisamik tusarniaatigineqarsimasoq. Annertusisamik tusarniaanermi tassannga tusarniaanermi allakkiaq ilanngussatut D-tut ilanngunneqarpoq.

### **Ataatsimiititaliap siunnersuummik suliarinninnera**

Uparuaanerit aappassaaneerinninnermi inersuarmi saqqummiunneqartut ajunngitsorsiat akileraaruteqaataasussaannngitsut pillugit aalajangersakkanut tunngasut ataatsimiititaliamit maluginiarneqarpoq. Siunnersuut tunngavigalugu ataatsimiititaliamit paasineqarpoq siunnersuuteqarnermi siunertaq pingaarnaq tassaasoq maleruagassat pisariinnerusumik aquuneqarsinnaalersinnissaat kiisalu ajunngitsorsiat nalingisa naapertuunnerusumik annertussusilerneqarnissaat. Tamatuma peqatigisaanik Naalakkersuisut saqqummiussisutaanni allassimavoq inuit ajunngitsorsianik pissarsisartut tassaannerusut inuit qaffasissumik isertitaqartut, taamaattumillu akileraarutitigut ajunngitsorsiassanit, tassungalu ilanngullugu ajunngitsorsianit akileraaruteqaataasussaannngitsunit, iluaquserneqartartut. Taamaattumillu aningaasaqarnikkut naligiinnerulersitsinissamut sakkussatut siunnersuutit aamma isigineqassapput.

Siunnersuummik siullermeerinninnermi qitiutillugu sammineqartut ilaat ajunngitsorsiassanut akileraaruteqaataasussaannngitsunit assigiinngitsunit tunngarpiarmat ataatsimiititaliamit maluginiarneqarpoq. Inuit ajunngitsorsianik akileraaruteqaataasussaannngitsunit pissarsisartut ilumut amerlanertigut tasaanersut qaffasissumik isertitaqartut apeqquserneqarpoq. Isumaartoqarpoq akunnattumik isertitaqartut akissarsiakitsullu siunnersuummit aamma eqqorneqassasut. Siunnersuummik eqqorneqartussatut ilaatigut assersuutigineqarput qatserisartut, ruujorilerisut, innaallagisserisut peqqinnissaqarfimmi sulisut allallu ilinniarsimasut. Ilinniarsimasut taakku sulinerminnut atatillugu inuiaqatigiinnut iluaqutaasumik, inuit inuunerminnik annaasaqarnissaannik aammalu nalilinnik annaasaqarnissamik pinngitsoortitsisinnaasumik, suliaqartuupput. Ilinniarsimasut taakku qaffasissumik isertitaqartartunut ilaasutut isigineqanngillat.

Taamaattumillu siunnersuutip kisitsisitigut paasissutissanik, inuit qaffasissumik isertitaqartartut ajunngitsorsianik akileraaruteqaataasussaannngitsunit annerusumik pissarsisarnerannik Naalakkersuisut oqariartuuteqarnerannut uppersaataasinnaasunik, ilaqartinneqarnissaa ataatsimiititaliamit naapertuuttutut isigineqarpoq. Paasissutissat taakku piginagit siunnersuutip aningaasaqarnikkut naligiinnerulersitsisussatut isigineqarsinnaanera takujuminaappoq.

Tungaviumillu isigalugu ajunngitsorsiassat akileraaruteqaataasussaannngitsut allat, tassungalu ilanngullugit akiliunneqarluni angalanerit, pillugit atortussat taamaattut aamma kissaatiginarluarput. Siunnersuutip ataatsimoortunik eqqornerluinnginnissaa, aningaasaqarnikkulli naligiinnerulersitsinissamut peqataanissaa qulakkeerniarlugu, kisitsisitigut paasissutissat taamaattut atorneqartussaapput.



Siunnersuummik siullermeerinninnermi immikkut eqqumaffigineqartoq alla tassaavoq ilaatigut inummut ilanngaati akini iluarsiisarnermut ilanngunneqarnissaanik pisariaqartitsineq. Inummut ilanngaati 2005-imili iluarsiissuteqarfigineqarsimannginnera ajornartorsiutaasutut isigineqarpoq. Ajornartorsiut nutaajungilaq, Inatsisartunilli arlalippassuariarluni oqallisigineqarsimalluni.

Tassunga atatillugu akileraarutitigut ilanngaatisat il.il. pillugit Inatsisartut aalajangiiffisassaattut siunnersuut (IIA2021/12) pillugu ataatsimiititaliap isumaliutissiissutaa kingulleq Aningaasaqarnermut Ataatsimiititaliamit eqqumaffigeqquneqassaaq, tassani ataatsimiititaliaq ima oqaaseqarpoq:

*"Aalajangiiffisassatut siunnersuutit assingi pillugit ukiuni siusinnerusuni isumaliutissiissutini oqaatigineqartutut ataatsimiititaliamit oqaatigineqassaaq inummut ilanngaati akini akissarsianullu 2005-imili iluarsineqarani nalinga taamaaginnartinneqarsimammat. Akit akissarsiallu annertuumik ineriartorfiusimanerat ataatsimiititaliamit maluginiarneqarpoq, taamaalillunilu pissutsit malillugit ilanngaati nalikilleriarsimalluni."*

Ilanngaati matumani pineqartut akileraartarnermik iluarsaaqqinnermik Naalakkersuisut suliaqarnissaanni aggersumi ilanngunneqarnissaat ataatsimiititaliamit kaammattuutigineqarpoq.

### **Naalakkersuisut aappassaaneerinninnissamut allannguutissatut siunnersuutaat**

Naalakkersuisut siunnersuutip aappassaaneerineqarnissaanut allannguutissatut siunnersuutaat ulloq 21. oktober tiguneqarpoq. Siunnersuutip kalaallisoortani oqaatsitigut amigaati annikitsut allannguutissatut siunnersuummi tikkuarneqartut allannguutissatut siunnersuummut nassuiaatini nalinginnaasuni Naalakkersuisunit nassuiaatigineqarpoq. Amigaati taakku iluarsineqarsimanersut pillugit Inatsisartut nutserisoqarfia ataatsimiititaliamit naliliisinneqarpoq. Nutserneqarnera suli amigaateqartoq Inatsisartut nutserisoqarfiat isumaqarpoq. Siunnersuutimik kalaallisoortaasa danskisuuissalu assigiimmik oqaasertaqarnissaat Naalakkersuisunit ilungersuunneqarnerusariaqartoq ataatsimiititaliaq isumaqarpoq.

Aappaattut allannguutissatut siunnersuut inatsimmi § 88, imm. 2-mut allannguutissatut siunnersuummik imaqarpoq. Tamatumunnga ataatsimiititaliaq oqaaseqaatissaqanngilaq.

### **Ulloq 29. oktober 2021-mi siunersiuineq:**

Apeqqutit saqqummiunneqartut siunersiuinnermi paasinarsisinneqarnissaat pisariaqartinneqartoq ataatsimiititaliap siuliani oqaatigaa. Taamaattumillu ataatsimiititaliap ulloq 29. oktober 2021-mi siunersiuinissamut Aningaasaqarnermut Akileraartarnermullu Naalakkersuisoq aggersarpaa. Siunersiuinissamut aggeqqusissut ilanngussaq A-tut ilanngunneqarpoq siunersiuinnermullu allakkiaq ilanngussaq B-tut ilanngunneqarluni.

Siunnersiunermit allanik apeqquteqartoqarpoq, taakkulu Aningaasaqarnermit Akileraartarnermullu Naalakkersuisup allakkatigut akiumavai. Akissutit taakku ilanngussaq C-tut ilanngunneqarput. Siunnersiuneq ataatsimiititaliamit tusaatissatut tiguneqarpoq.

### **Siunnersuutip pisortanut aningaasaqarnikkut allaffissornikkullu kingunerisassai**

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Aningaasaqarnikkut kingunerisassat ataatsimiititaliamit sukumiisumik misissorneqarput ataatsimiititaliarlu ima oqaaseqateqassaaq:

1. Ajunngitsorsiat akileraaruteqaataasusnaanngitsut: Tassunga ataatsimiititaliaq oqaaseqaatissaqanngilaq. Naalakkersuisulli allapput kisitsit arlalinnik nalorninartoqartut. Tassunga atatillugu Naalakkersuisut ineriartornermik qanimut malinnaaffiginnissasut Aningaasaqarnermit Ataatsimiititaliamit naatsorsuutigineqarpoq.
2. Akiliunneqarluni angalanerit: Naalakkersuisut allapput akiliunneqarluni angalanerit 2019-imi 2,5 mio. koruunik isertitanut tunngavissiisut. Iluanaarutit qanoq annertutiginissaat nalorninartoqartoq Naalakkersuisut namminneq allapput. Iluanaarutigisassatut kissaatigineqartumut sanilliullugu isertitanik taakkuninnga allaffissorneq annertuallaassasq Aningaasaqarnermit Ataatsimiititaliamit isumakuluutigineqarsinnaavoq. Taamaattumillu tamanna sukumiisumik isumaliutigeqqullugu Naalakkersuisut qinnuigineqarput. Aalajangersagaq taanna Naalakkersuisunit aalajangiusimaneqassappat allaffissornermit aningaasartuutit Akileraartarnermit Aqutsisoqarfimmud aningaasaliissutaareersut iluini akilernerqartariaqassapput.
3. Akileraartarnermit Aqutsisoqarfiup periaasiinut ineriartortitsinermut aningaasartuutissat naatsorsuutigineqartut pillugit: Misilittakkani malillugit Aningaasaqarnermit Ataatsimiititaliap ilisimavaa pisortat qarasaasiaqarnerannut aningaasartuutissatut missingersuutit assut nalorninartoqarsinnaasut. Taamaattumillu aningaasartuutit matumani pineqartut ineriartornerat qanimut malinnaavigineqassasq Aningaasaqarnermit Ataatsimiititaliamit naatsorsuutigineqarpoq.

### **Ataatsimiititaliap inassuteqaata**

Tamanna tunngavigalugu siunnersuut, Naalakkersuisut allannguutissatut siunnersuutaat ilanngullugit, akuerineqassasq ataatsimiititaliami amerlanerussuteqartut Inuit Ataqtigiiinneersut, Naleqqameersut Atassummeersullu inassutigaat.

Ataatsimiititaliami ikinnerussuteqartut Siumumeersut Demokraatineersullu ikinnerussuteqarlutik ima oqaaseqaateqarumapput:

**Siumut:** *“Naalakkersuisooqatigiit maanna innuttaasut kaasarfi aallarfigalugit aalleqattaalersimanerat immikkoortup uumap uppersaqqikkaa. Taamaattumik Siumumiik*

*qineqqusaarnermi oqariartuutigisimasartik qimalluinnarsimagaat, tassalu innuttaasut kaasarfi aallerfigineqaqqissanngitsut ilumuunngitsoq uppernarsarparput.*

*Taassumap saniatigut inatsimmi maanna ilinniarsimasut kiisalu suliffimminni ingerlalluartut kalaaleqatigut pillarneqarnissaat Naalakkersuisooqatigiit ingerlatiligaat, siunissami ilinniarluaqqusinnissamut qaffasissumillu inissisimalernissaannut orniginarsaataanngilluinnarpoq. Inatsimmi innuttasut 3.400 missaat akileraarnerulissapput katillugu 6 mio. koruuningajaat innuttaasut kaasarfiiniit aallertoqalerluni. Illuanilu akissaatikinnerusunut akunnattumillu isertitalinnut pitsanngorsaatinik Naalakkersuisooqatigiit saqqummiussaqaaratik. Taamatuttaaq suliffeqarfiutillit qaavatigut akileraarusersuiffigineqalissapput namminersortuunermik ingerlatsinnissamik kajormarunnaarsaanertut oqaatigineqarsinnaasumik.*

*Siumumiik suliffeqarnissamut kalaaleqatittalu qaffasinnerusumik atorfinni inissisimalernissaannut orniginarsaanninngineq, akileraarutitigullu pillaaniarneq akuerinngilarput. Inuit imminnut napatinnissaminnut ingerlasut kaasarfiisa mangiarneqarneri akuerisinnaannnginnatsigu.”*

**Demokraatit:** *“Demokraatit tunngaviusumik isumaqatigivaat akileraartarnermut tunngasuni inatsisit pitsaasu-ussasut pissusissamisuumngitsumillu imminut iluaqusinnginnissamut qulakkeerinnissasut. Taamaattorli inatsimmi uani Demokraatit akuerisinnaannngissaanik arlalinnik imaqarpog.*

*Inatsisimut siunnersuut assigiinngittumik akileraartarnermik pilersitsissaaq (progressiv beskatning) inuiaqatigiinni suliffitsik aqutugalugu ineqartitaagunik biileqartitaagunilluunniit akileraarnerusalissammata.*

*Naalakkersuisut oqariartuutigigaluarpaat siunertaannngittoq akileraarutit qaffanneqarneri illuatungaani aamma oqariartuutigillugu akileraarutitigut 6 mio. kr.-nik isertitsinerusalissasut aammalu oqaatigalugu naligiinnerulernermik pilersitsissasog. Demokraatini isumaqarpogut inuiaqatigiinni akileraartarnikkut nammakkersorneqarnerput annertuallaareersoq akuerisinnaanagulu qaffaasoqassasog illuatungaani akileraarutitik allanik appaannngikkaanni. Una siunnersuut ajorluartumik takutiinnarpaa qineqqusaarnermi neriorsuutigisimasat imaqqannngittut inuiaqatigiillu kaasarfi suli aallerfiginiarneqqartut. Naalakkersuisut siunnersuutit allat itigartittaqaattaarpaat tunngavilersorlugulu akileraartarnermut aqqqissuusseqqittoqassammat taamaattorli uani takuarput sioqqussillutik innuttaasunut ilaannut akileraarutigineqartartut qaffanniarai.”*

Tamanna tunngavigalugu siunnersuut, Naalakkersuisut allannguutissatut siunnersuutaat ilanngullugit, itigartinneqassasog ataatsimiititaliami ikinnerussuteqartut siuliani taaneqartut inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

  
\_\_\_\_\_  
Jens Napaattoq  
Siulittaasoq  
\_\_\_\_\_  
Erik Jensen  
Siulittaasup tullia  
\_\_\_\_\_  
Hans Aronsen  
\_\_\_\_\_  
Agathe Fontain  
\_\_\_\_\_  
Aqqalu Jeremiassen  
\_\_\_\_\_  
Vivian Motzfeldt  
\_\_\_\_\_  
Jens Frederik Nielsen



Aningaasaqarnermut Nunamullu Namminermut  
Naalakkersuisoq  
/MAANI

Ulloq: 27-10-2021  
J.nr.: 01.31.04-00017

**Aningaasaqarnermut Akileraartarnermullu Ataatsimiititaliamit tallimangornermi ulloq 29. oktober 2021, nal. 15.00 ataatsimiittarfik Erling Høeghimi siunersiorneqarnissamut aggeqqusissut**

Aningaasaqarnermut Nunamullu Namminermut Naalakkersuisoq siunersiuinissamut Aningaasaqarnermut Akileraartarnermullu Ataatsimiititaliamit matumuuna aggersarneqarpoq. UKA2021/17-ip suliarineqarneranut atatillugu siunersiuineq pissaaq, tamatumanilu ataatsimiititaliaq arlalinnik apeqquutissaqarpoq.

Siunersiuinermi makku oqaluuserineqarnissaat ataatsimiititaliamit kissaatigineqarpoq:

1. Siunnersuut una sooq Naalakkersuisunit utaqqissunneqanngila 2022-milu akileraartarnermik iluarsaaqqinnissamut naatsorsuutigineqartumut ilanngunneqarluni?
  - a) Akileraartarnermik aaqqissuusseqqinnissap ilaatut immikkoortup matumani pineqartup Inatsisartut ataatsimiinnissaannut kingusinnerusumut kinguartinnissaa Naalakkersuisunit naleqquttutut isigineqarpa?
2. Ajunngitsorsiassat akeqanngitsut isertitatut A-tut nalunaarutigineqartalernissaat pissutigalugu suliffeqarfinni allaffissornermut siunnersuut kinguneqassaaq. Inuussutissarsiortut allaffissornerulernerannik kinguneqartussat taakku annikillissarniarlugit Naalakkersuisut qanoq iliulersaarpat?
3. Siunnersuutikkut akileraarutininik qaffaanerit sooq allani oqilisaassinikkut illua tungilerneqanngillat?
4. Inummut ilanngaatiip akinut iluarsiissuteqalersinneqarnissaanik pilersaarutitik Naalakkersuisut sumut killippaat?
  - a) Inummut ilanngaatiip akinut iluarsiissuteqartinneqannginnera akileraarutininik ersinngitsumik qaffaanertut Naalakkersuisunit isigineqarpa? Akissut tunngavilersoqquneqarpoq.
5. Akeqanngitsumik biileqartitaaneq sulinermit sanilliullugu pisariaqanngitsillugu akeqanngitsumik biileqartitaanerup atorunnaarsinneqarnissaa Naalakkersuisunit sulissutigilersaarneqarpa? Matumani assersuutigalugu eqqarsaatigineqarpoq Naalakkersuisunut ilaasortat akeqanngitsumik biileqartitaasarnerat.



a) Naalakkersuisunut ilaasortat akeqanngitsumik biileqartitaanerat ukiumut qanoq amerlatigisunik aningaasartuutaava?

6. Ajunngitsorsiat akeqanngitsut sulisartunit amerlasuunit akissarsiat tamarmiusut ilaattut, taamaattumillu isumaqatigiissutip akuerisimasamit ilaattut isigineqartarput. Isumaqatigiissut ataatsimoortoq taanna siunnersuutikkut matumani pineqartukku ajornerulersinneqarpoq aammalu kukkunerunngilaq oqassalluni pisortani namminersortunilu sulisut arlallit siunnersuutip nassatarisaanik ajornerusumik inissinneqarmata. Taama isumaqarneq Naalakkersuisunit isumaqatigineqarpa? Akissut tunngavilersoqquneqarpoq.

7. Akeqanngitsumik oqarasuaateqartinneqarnermi akileraaruteqaataasussat 6.000 kr.-inik annertussusilerneqarnissaat sooq Naalakkersuisunit toqqarneqarpa? Oqarasuaatinut angallattakkanut Tusassinut qaammammut akigitinneqartut 500 kr.-init akikinneralaarsuupput.

a) Ukiumoortumik iluarsisuteqartitsisarnissamut taarsiullugu sooq Naalakkersuisut naligitinneqartunik inatsisitigut aalajangersaappat?

8. Akeqanngitsumik inigisap akileraarusernerani pissarsiarinerani akia til 35.000kr./m<sup>2</sup>-erimut aalajangersarneqassasoq Naalakkersuisunit siunnersuutigineqarpoq. Aningaasat taakku Naalakkersuinit sooq siunnersuutigineqarpat?

a) Suliffeqarfiit sulisussanit pilerigineqarnissaat eqqarsaatigalugu aningaasanut killiliuissat nutaat qanoq kinguneqartussatut Naalakkersuisunit nalilerneqarpat?

Siunersiuinermi malitseqartitsissutinik apeqquteqartarnissaq ataatsimiititaliamit naatsorsuutigineqarpoq.

Siunersiuinerup ataatsimiititaliap aammalu Aningaasaqarnermut Nunamullu Namminermut Naalakkersuisup akornanni pingaarnersiuilluni tulleriarinerit anguniakkallu pillugit naalakkersuinerup tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu siunersiuinerup atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap siunersiuinerup kinguninngua uunga nassiunneqarnissaa qinnutigineqarpoq: [nickla@ina.ala.gl](mailto:nickla@ina.ala.gl). Allakkiap ataatsimiititaliap siunersiuinerup nassarneqarpat atorneqarpallu taassuma nuutinnera siunersiuinerup aallartinnerani ataatsimiititaliap oqalutnaanun tunniuteqquneqarpoq.

Siunersiuinerup allakkiap UKA2021/17-ip aappassaaneerineqarnissaa sioqqullugu Aningaasaqarnermut Ataatsimiititaliap isumaliutissiissutaanut ilanngussanngortinneqassammat ataatsimiititaliamit eqqumaffigeqquneqassaaq.

Inussarnersumik inuulluaqqusillunga



Jens Napaattoq

Aningaasaqarnermut Akileraartarnermullu Ataatsimiititaliap siulittaasua





## Allakkiaq Notat

## Ilanngussaq Bilæg 6

Uunga  
Til

Aningaasaqarnermut Akileraartarnermullu  
Ataatsimiititaliaq

Assinga uunga  
Kopi til

Suliamut

Brevdato: 27-10-2021  
Sags nr. 2020 - 23155  
Akt id. 18324030

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

### **Oqaatigisassat: UKA2021/17 – aningaasarsianik akileraarutit pillugit Inatsisartut inatsisaata allanngortinnera pillugu isumasioqatigiinneq**

Aallaqqaammut takkullunga inatsisissatut siunnersuutip imarisaanik saqqummiussisinnanermut periarfissinneqarninnut ataatsimiititaliaq qujassuteqarfigaara.

Apeqquutit akissuteqarfigilersinnagit akileraarusigaanngitsumik ajunngitsorsiat pillugit siunnersuummi aalajangersakkanut tunngaviusutut isigisakka naatsumik nassuiaateqarfigeqqaassavakka.

Sulisitsisup sulisumi aningaasarsiai ukiumut 10.000 kr-inik qaffappagit, sulisup aningaasarsiat qaffaassutaannut akileraartussaanera nalornisigissanngilarput.

Taavami sulisitsisup taarsiullugu sulisuni ajunngitsorsianik ukiumut 10.000 kr-nik nalilinnik tunippagu qanoq issava. Assersuutigalugu sulisitsisup sulisoq nioqqutissanik ulluinnarni atugassanik taama nalilinnik tunigaa eqqarsaatigineqarsinnaavoq.

Sooq taamatut ajunngitsorsineq akileraarusiisarnermut atatillugu aningaasarsianit allaanerumik iliuuseqarfigineqassava?

Ullumikkut pisut ilaanni akileraarusigaanngitsunik ajunngitsorsiatut taaneqartut aningaasarsianit appasinnerusumik akileraaruserneqartarnerat piviusuvoq. Naligiinngitsitsineq taanna aningaasarsiat ilaasa akileraarusigaanngitsunik ajunngitsorsiatut tunniunneqarnera akileraarusiisarnikkut kajuminnarnerulersitsivoq. Tamannalu soorunami naapertuutinngilaq.

Inatsisissatut siunnersuummi naligiinnerunermik siuarsaaneq pingaarnertut siunertanut ilaavoq. Akileraarusigaanngitsunik pissarsineq akileraarusiisarnermut inatsimmi kajuminnarnerulersinneqassananiluunniit pillarneqaataassanngilaq. Taamaaliorneq taarsiissutaasutulli sapinngisamik passunneqassaaq, tassalu aningaasanik akissarsinertut.

Peqatigisaanik soorunami akileraarusigaanngitsunik ajunngitsorsianik suliaqaraanni, innuttaasoqarsinnaavoq ima annertutigisumik ajunngitsorsianik atuisumik, allaat aningaasartaliussamik qaangiisoqarluni. Tamanna aaqqissuussinerup pisariitsumik aqunneqarlunilu suliffeqarfinnut, sulisunut pisortanullu paasiuminartup akigaa.

Assersuutitut innuttaasut ilaasa biilnik akeqanngitsumik atugassinneqartut suliffimmik avataani annertuumik biilimik atuisut, biilimillu angisuumik akisuumillu atugassinneqartut taasinnaavakka. Allat biilimik suliffimmik avataani atuerpiarneq ajorput biilimillu akikinnerusumik atugassinneqarsimallutik. Biilnik akileraarusiinnermi biilimik atugassinneqarneq pingaaruteqarpoq, tassa atuinnaaavoq suliffiullu ingerlanneranut naleqqutinnigsumut biilerluni atorneqarsinnaavoq, soorlu angerlarluni suliarlorluniluunniit, kaffisoriarluni namminerlu atugassanik niuerniarluni il.il.

...

Ataatsimiititaliap apeqqutit tulluuttut akineqarnissaat kissaatigaa:

**1. Siunnersuut una soq Naalakkersuisunit utaqqissunneqanngila 2022-milu akileraartarnermik iluarsaaqqinnissamut naatsorsuutigineqartumut ilanngunneqarluni?**

**Akissut:**

Allannguutit ukiuni arlalinni oqallisaasartut matumani pineqarput.

Taamaalillutik ukiuni kingullerni aningaasanut inatsisini akileraartarnermut immikkoortumi suliniuteqarnissaq missingersuutigineqartoq takuneqarsinnaavoq. Akileraarutini A-nik B-nillu isertitanik taaguusiinernik sukaterinikkut pisariillisaanissaq suliniutini siunertaavoq. Tamanna 2017-mut, 2018-mut, 2019-mut, 2020-mut kiisalu 2021-mut aningaasanut inatsisini konto pingaarneq 20.11.51 Aaqqissuusseqqinnerit sunniutaat takuneqarsinnaavoq.

Tamakku oqaluttuassartaatillugit siunnersuummi anguniakkani pingaarnerni siammasissumik tunuliaqutsiisoqartoq Naalakkersuisut tunngavissaatissimavaat. Inatsisissatut siunnersuut saqqummiunneqarnissaminut piareeqqammat iluanaarutissanullu annikitsuinnarmik sunniuteqartussaammat, taassuma UKA 2021-mi oqaluuserisassanngortinniarnera pissusissamisoorsimavoq.

**a) Akileraartarnermik aaqqissuusseqqinnissap ilaatut immikkoortup matumani pineqartup Inatsisartut ataatsimiinnissaannut kingusinnerusumut kinguartinnissaa Naalakkersuisunit naleqquttutut isigineqarpa?**

Inatsisissatut siunnersuutip kingusinnerusukkat ataatsimiinnermut kinguartinnissaa sukkut iluaqutaassanersoq takujuminaappoq.

Matumani malittarisassanik allannguinerit sivisuumik utaqqineqartut pineqarput.

Siunnersuut kingusinnerusumut kinguartinneqassaguni, tamanna inatsisissatut siunnersuutitut taamanikkussamut saqqummiunneqartussanut annertunerulersitsillunilu pisariunerulersitsissaaq, taamaalillunilu aamma tusarniaavinnut aalajangiisartunullu pisariunerulersitsissalluni.

**2. Ajunngitsorsiasat akeqanngitsut isertitatut A-tut nalunaarutigineqartalernissaat pissutigalugu suliffeqarfinni allaffissornermut siunnersuut kinguneqassaaq. Inuussutissarsiortut allaffissornerulernerannik kinguneqartussat taakku annikillisarniarlugit Naalakkersuisut qanoq iliulersaarpat?**

Inatsisissatut siunnersuut namminersorlutik inuussutissarsiortunut kinguneqaatissanik annikillisaanernik arlalinnik imaqarpoq.

Siullertut allannguutit aatsaat 2023 aallarnerfigalugu atuutilissapput. Taamaaliornikkut suliffeqarfiit ukiumit ataatsimit sivisunerusumik qarasaasiaminnik allaffissornerikkullu periutsiminnik allanik nalimmassaanissamut periarfissinneqarput.

Aappassaatut ersarinnerusunik kinaassusersiortuunngitsunillu malittarisassanik suliffeqarfinnut akileraarusigaanngitsutut ajunngitsorsianik aqutsinermut ajornannginnerulersitsisunik atulersitsisoqassaaq. Taamattaaq siunnersuut periusaareersunik annertuumik tunngaveqarpoq.

Immikkuualuttut tamakku suliffeqarfinnut allannguinnisanut ajornaallisaaqataapput. Qanorluunniillu ittoqaraluartillugu suliffeqarfiit soorunami sulisuminnut sunik ajunngitsorsiaqartitsinerminnik, taakkulu qanoq atornegartiginerannik ingerlaavartumik ilisimaarilluarnarat naatsorsuutigineqartariaqarpoq.

Nutaaliornerni allanisulli piffissami malittarisassat nutaat aningaasarsialerisunut suliaqarnerulersitsissapput, kukkunerisiuisullu Akileraartarnermullu Aqutsisoqarfik amerlanerusunik apeqquteqarfigineqarumaassapput. Piffissap ingerlanerani nalunaarutiginnittarnerit passunneqartarnerat akileraarusigaanngitsunillu ajunngitsorsiat A-nik akileraarutitik ilanngaassivigineqarnerat sulisitsisut sungiutissagaat naatsorsuutigineqarpoq.

**3. Siunnersuutikkut akileraarutitik qaffaanerit sooq allani oqilisaassinikkut illua tungilerneqanngillat?**

**Akissut:**

Inatsisissatut siunnersuutip akileraarutitik qaffaanissamik siunertaqannginnera erseqqissaatigissavara. Akerlianik siunnersuut akileraarusiisarnitsinni assigiimmik periuseqarnermik annertusaasussaavoq.

Peqatigisaanik siunnersuut annertunerusumik – 6 mio. kr-t missaannik – iluanaarusiisussaannngitsutut naatsorsuutigineqarnera erseqqissarneqassaaq. Aningaasarsianit akileraarutitik iluanaarutit ataatsimut 1 mia. kr-t sinnerlugit annertussusillit sanillersuukkaanni, aningaasat pineqartut annertunngillat. Taamaalilluni innuttaasunut malunnaatilimmik pineqartut annertoqqataannik akileraarutitigut annikillisaanissamik siunnersuuteqarnissaq Naalakkersuisunut ajornartorujussuussaaq. Nuna tamakkerlugu akileraarummik 1 procentimik appaaneq, pisortat akileraarutitigut iluanaarutaannik katillugit 100 mio. kr-t missaannik annikillisisissaaq.

Akissaatikitsunut akunnattumillu isertitalinnut akileraarutitik appaanissaq Naalakkersuisut anguniagaraat. Tassunga atatillugu 6 mio. kr-t naammanngillat.

Aningaasalli taakku aaqqissuusseqqinnissamik suliaqarnissap kinguneqaatai isummerfigilerutsigit ilanngullugit naatsorsornissaat pissusissamisuussaaq.

Tassunga atatillugu aamma partiit tamarmik assersuutigalugu ilaatigut Qaqortumi 1500 meterisut takissusilimmik mittarfiliornissaq kiisalu sinerissap qanittuani qaleralinnut akitsuutip appartinneqarnissaa tapersermassuk oqaatigissallugu naapertuuppoq. Maannamut suliniutissat taakku 2022-mut Aningaasanut inatsisissatut siunnersuummi qanoq aningaasalersornissaat suli isumannaarneqanngilaq. Taamaalluni akileraarusueriaatsimi pissutsit kisiisa ukkatarinagit, nunatta karsiata aningaasartuutaanut isertitaanullu ataatsimut naliliinissaq pisariaqarpoq.

#### **4. Inummut ilanngaatip akinut iluarsissuteqalersinneqarnissaanik pilersaarutitik Naalakkersuisut sumut killippaat?**

##### **Akissut:**

Inummut ilanngaammik nalimmassaaneq naalakkersuisooqatigiinnermi politikikkut anguniakkat angunissaannut aqutissat arlallit ilaattut Naalakkersuisut sukumiilluinnartumik misissussavaat.

Naalakkersuisulli suliniutissaq taanna ingerlaqqittussatut siumoortumik aalajangerusunngilaat. Tassani inummut akileraarutininik aaqqissuusseqqinnermik suliani inerneriumaartut apeqqutaassapput.

Taamattaaq nalimmassaanermut aningaasalersuutissat isumannaarnissaat pisariaqarpoq, tamatumalu pissusissamisoortumik sunniutaanik, soorlu ineqarnermut tapiissutinut, pisortat isertitanik aallaavilimmik akigititaannik il.il., peqatigisaanik pisortat ataatsimut aningaasaqarnerat patajaatsumik ineriartussappat qulaajaanissaq pisariaqarpoq.

Taamaammat inummut ilanngaammik nalimmassaasinnaaneq akileraartarnermi aaqqissuusseqqinnermik suliaqarnermut ilaatinneqassaaq.

##### **a) Inummut ilanngaatip akinut iluarsissuteqartinneqannginnera akileraarutininik ersinngitsumik qaffaanertut Naalakkersuisunit isigineqarpa? Akissut tunngavilersoqquneqarpoq.**

##### **Akissut:**

Inummut ilanngaatip ingerlaavartumik nalimmassarneqartannginnerata, inummut ilanngaatip aningaasarsiornermi nalingata annikilliertortarnera nassataraa.

Inummut ilanngaat akit malillugit qaffanneqanngikkaangat innuttaasunut akileraarutiviusup piffissap ingerlanerani qaffakkiartortarnera tamatuma nassataraa.

Tamanna akileraarutit qaffannerattut eqqortumik taaneqarsinnaavoq.

Assinganik akileraarusigaanngitsunik ajunngitsorsianik eqqussuinermilu akitsuutininik procenti aaqqiissut atorlugu nalimmassaannginneq akileraarutitigut oqilisaanertut taaneqarsinnaavoq.

Qaffariaat oqilisaanerluunniit "ersinngitsumik" pisutut taassanerlugu qanoq isiginninneq apeqqutaavoq.

Ilanngullugu sulinermit ilanngaammik atulersitsisoqarnera, taamatullu aamma utoqqalinermit siusinaartumillu soraarnerussutisiat procentimik aaqqiissutaasumik nalimmassarneqartalernerat eqqaasitsissutigissavara.

Taakku ataqatigiissillugit isigineqartariaqarput.

**5. Akeqanngitsumik biileqartitaaneq sulinermit sanilliullugu pisariaqanngitsillugu akeqanngitsumik biileqartitaanerup atorunnaarsinneqarnissaa Naalakkersuisunit sulissutigilersaarneqarpa? Matumani assersuutigalugu eqqarsaatigineqarpoq Naalakkersuisunut ilaasortat akeqanngitsumik biileqartitaasarnerat.**

**a) Naalakkersuisunut ilaasortat akeqanngitsumik biileqartitaanerat ukiumut qanoq amerlatigisunik aningaasartuutaava?**

**Akissut:**

Malittarisassat maanna atuuttut naapertorlugit Naalakkersuisunut ilaasortat ataasiakkaat biileqartitaanissamut pisariaqartitsinertik namminneerlutik aalajangissavaat.

Taamaattoqarnissaa toqqarunikku – allat tamaasa assigalugit – tamanna akileraarusiisarnikkut kinguneqaateqartoq akuerisariaqarpaat.

Sulisitsisup biilini atugassanngortitsissanerluni nammineerluni aalajangigassaraa.

Akeqanngitsumik biileqartitaasut tassannga naapertuuttumik akileraaruserneqarnissaat akileraarusiisarnermik aaqqissuussinikkut qulakkeerneqassasoq siunertaavoq.

Taamaammat nalimik aalajangersaaneq nammineq biileqarluni tassannga atuinermut aningaasartuutitut naleqqutikannertariaqarpoq.

Siorna Kukkunersiuinermut Ataatsimiititaliap atugassaanik Namminersorlutik Oqartussat atorfeqarnermut atatillugu biilinit aningaasartuutit naatsorsuusiortut. Naatsorsuusiaq taanna allakkiamut ilanngullugu ataatsimiititaliamut tunniukkusuppara.

Takussutissiaq 2020-mut aningaasartuutitut nutarternissaanut piffissaqartoqarsimanngilaq. Kisitsisilli annertuumik allannguuteqarsorinanngillat.

Takussutissiami atorfimmu atatillugu biilinit aningaasartuutit ilaatinneqarput, taamaalillunilu Naalakkersuisunut ilaasortanut biilerititat kisimik pineqarnatik.

Taamaalilluni Naalakkersuisut Siulittaasuata Naalakkersuisoqarfianut tunngatillugu, ilaatigut naatsorsukkani betjentit biiliinut aningaasartuutit aamma ilaatinneqarput.

Ataatsimiititaliap apeqqutaanut tapiliullugu Qitiusumik Naatsorsuuserivik immikkoortumi kisitsisinik nutaanik pissarsinissaanik qinnuigaara. Taakku piareerpata ataatsimiititaliamut kingusinnerusukkut nassiunneqassapput.

**6. Ajunngitsorsiat akeqanngitsut sulisartunit amerlasuunit akissarsiat tamarmiusut ilaattut, taamaattumillu isumaqatigiissutip akuerisimasamit ilaattut isigineqartarput. Isumaqatigiissut ataatsimoortoq taanna siunnersuutikkut matumani pineqartukku ajornerulersinneqarpoq aammalu kukkunerunngilaq oqassalluni pisortani namminersortunilu sulisut arlallit siunnersuutip nassatarisaanik ajornerusumik**

**inissinneqarmata. Taama isumaqarneq Naalakkersuisunit  
isumaqatigineqarpa? Akissut tunngavilersoqquneqarpoq.**

**Akissut:**

Akunnaallisarlugu Kalaallit Nunaanni 48.000-nik akileraartartoqarpoq. Taakkunannga 3.400 assigiinngitsunik annertussusilinnik akileraarusigaanngitsunik ajunngitsorsiaqartinneqarput.

Taamaalilluni nunatsinni akileraartartut **7 procentiinnaat** assigiinngitsunik annertussusilinnik akileraarusigaanngitsunik ajunngitsorsiaqartinneqarput.

Akileraartartuvut tamakkerlutik **agguaqatigiissillugu ukiumut 240.000 kr-t missaannik isertitaqarput.**

**Akileraarusigaanngitsunik ajunngitsorsiaqartut agguaqatigiissillugu ukiumut isertitaat 535.000 kr-iupput.**

Taamaalilluni aningaasarsiaqartut akornanni akileraarusigaanngitsunik ajunngitsorsisartut akissaateqqortunerpaat akornanniinnerat ersarissorujussuuvog.

Kisitsisit taakku soorunami siunnersuutip malitsigisaanik annikitsumik allannguuteqarsinnaapput.

Assersuutigalugu siunissami amerlanerit ilaannakortumik atorfimminnut atatillugu angalasutut akileraarusiivigineqarsinnaanerit ilimagineqartariaqarpoq.

Siunnersuut taamaattoqarneranik annertuumik allannguissanngitsoq ilimagineqarpoq, tamatumani ilaatigut ukiumut ataasiarluni akileraarusigaanngitsumik sulinngiffeqarnermi angalanermi akiliunneqarsinnaanerup suli pisinnaatitaaffiunera patsisaavoq.

Taamaalilluni siunnersuutip kinguneqaatai ima eqikkarneqarsinnaapput: Siunissami inuit ilaat qaffasinnerusumik akileraaruserneqartassapput, taakkuli nalinginnaasumik innuttaasuupput isertitarissaareersut.

Siunnersuutip aningaasatigut kinguneqaatissaatut missingiussat killilerujussuunerat ilanngullugu oqaatigineqassaaq. Taamattaaq innuttaasunut ataasiakkaanut aningaasatigut kinguneqaatissat aamma killeqarput.

Tamatuma saniatigut inatsisissatut siunnersuutip attuumassuteqartunut amerlasuunut tusarniutigineqarsimanera oqaatigissavara. Tusarniaanerit sulisartut kattuffiisa tungaannit imarisaanut tunngasumik oqaaseqarfigineqanngillat.

Kingullertullu pisortat sulisitsisut atorfimmut atatillugu angalanerit atorlugit ersinngitsunik sulinngiffeqarluni angalanernik atorfilinnut ataatsimut aningaasarsiaritinneqartut ilaattut ilimasutsilissappata, tamanna ajuusaarnartuusoq qaatigissavara. Tamanna pisortani isumaqatigiissutinik toqqaannartumik ilaginnaanerusaaq.

Pisortani atorfimmut atatillugu angalanerit atorfimmut attuumanissaat siunertaassaaq, taakkulu toqqaannanngitsumik aningaasarsianut sulisunilluunniit ajunngitsorsititsinertut atorineqassanngillat.



Siunnersuut erseqqinnerusunik kinaassusersiortuunngitsunillu atorfimmut atatillugu angalanerit kiisalu angalanerit nammeneq inuttut iluaqutissatut siunertallit erseqqissunik killilerneqarnissaannik siunertaqarpoq.

Malittarisassat aamma ullumikkut sulisitsisut, sulisut oqartussallu killileruminaatsitaannik ersarinnerulersitsinissamik taamaalilluni aamma siunertaqarpoq. Siunnersuut taamaalilluni allaffissornikkut kinaassusersiortunik naliliinernik suliat ataasiakkaarlugit pisussanik annikilliliinermigut oqilisaassisuusaaq.

**7. Akeqanngitsumik oqarasuaateqartinneqarnermi akileraaruteqaataasussat 6.000 kr.-inik annertussusilerneqarnissaat sooq Naalakkersuisunit toqqarneqarpa? Oqarasuaatinut angallattakkanut Tusassinut qaammammut akigitinneqartut 500 kr.-init akikinneralaarsuupput.**

**Akissut:**

Akeqanngitsumik oqarasuaateqartitaaneq ullumikkut ukiumut 6.000 kr-nik naleqarpoq. Ukiuni arlalinni taamaappoq. Tamanna siunnersuummi ingerlatiinnarneqassaaq.

Ullumikkut sulisitsisut akeqanngitsumik oqarasuaateqartitsinerat annerpaamik ukiumut 6.000 kr-nik akileraaruserneqartarpoq.

Tassani naatsorsueriaaseq pisariinnerusunngortinneqassasoq siunnersuutigineqarpoq, taamaalilluni akeqanngitsumik oqarasuaateqartinneqarneq ukiumut 6.000 kr-nik nalilerneqassalluni, tamatumani sulisitsisut qanoq annertutigisumik aningaasartuuteqarsimanerat apeqqutaatinnagu.

Aalajangersimasunik naliliinerit tamaasa assigalugit tamanna oqimaalutaanermik toqqammaveqarpoq. Aningaasartaliussat appasippallaarpata, akeqanngitsumik oqarasuaateqarnissaq pilerinarnerulissaaq. Attatorneq akisunerujartortillugu akileraarusiinnikkut pilerilersitsineq annertusiartussaaq.

Aningaasartaliussalli qaffasippallaarpata akileraarusiisarneq pissutigalugu akeqanngitsumik oqarasuaateqartitaaneq pilerinaateqassanngilaq.

Apeqqummi oqaatigineqartut attartornermi isumaqatigiissutinik qaammammut 500 kr-nit akikinnerusunik peqarnera eqqortuuvoq. Taakkuli akip aalajangersimasup qaavatigut sulisitsisut aningaasartuuteqarnerunerannik nassataqarsinnaapput, soorlu mobildatanik atuinnikkut il.il.

Sulisumut akeqanngitsumik oqarasuaateqarnermut aningaasartuutaarpiartoq kommunimi sumi akileraartarneq apeqqutaatillugu 2.160 aamma 2.640 kr-it akornanniissinnaassaaq. Allatut oqaatigalugu siunnersuut suli innuttaasut ataasiakkaat appasissumik oqarasuaammik aningaasartuuteqarnerannik nassataqassaaq.

Taamattaarlu oqarasuaammik attartornerit datanik atuinnermik ilaqartut nalinginnaasumik ukiumut 6.000 kr-it missaannik akeqarput.

Taamattaarlu attartornermi aki kisimi isiginiarneqarnani, oqarasuaateqarnerulli nalinga isiginiarneqassasoq oqaatigineqassaaq. Mobiltelefoni amerlanertigut ukiut marluk pingasulluunniit atorsinnaasarpog, sulisorlu akeqanngitsumik oqarasuaateqartinneqartoq taamaalilluni taamaallaat attartornermi akiliummik



sipaarnani, aammali telefonimik nutaamik pisinissamut aningaasartuummik, telefonimik nutarterinissamik kiisalu iluarsaanermut aningaasartuutunik sipaassaaq.

Naggataagut naliliutigineqartoq 6.000 kr-i oqarasuaatip ataatsip arlallilluunniit kiisalu fastnetip mobiltelefonillu naligaat.

**a) Ukiumoortumik iluarsiiisuteqartitsisarnissamut taarsiullugu sooq Naalakkersuisut naligitinneqartunik inatsisitigut aalajangersaappat?**

**Akissut:**

Aningaasartaliunneqartup inatsisitigut aalajangersarnera akeqanngitsumik oqarasuaateqartinneqarnerup ajornaannerusumik pissarsisumut A-tut isertitanngortinneqarsinnaaneranut aqutissiuussivoq. Taamattaaq akeqanngitsumik oqarasuaateqartitsinerup akileraaruserneqarnerata sulisitsisunut aningaasarsiaqartumullu eqqoriaruminarnerulersitsissaaq.

**8. Akeqanngitsumik inigisap akileraarusernerani pissarsiarinerani akia 35.000kr./m<sup>2</sup>-erimut aalajangersarneqassasoq Naalakkersuisunit siunnersuutigineqarpoq. Aningaasat taakku Naalakkersuinit sooq siunnersuutigineqarpat?**

**Akissut:**

Akeqanngitsumik ineqartitaaneq assersuutigalugu sulisup sulisitsisumit inissiamik atugassinneqarneranut ineqarnermullu akiliuteqartannginnerani pisarpoq.

Taamatut pisoqartillugu sulisoq ajunngitsorsiamit tassannga akileraarusiivigineqassaaq, taamaammallu akeqanngitsumik inigisap akileraarusiisarnikkut nalilerneqartussaavoq.

Tamanna ilaatigut inissiap angissusaanik iluanaarutisiamillu toqqammaveqartumik ingerlatsinermi akiliuteqarnermi periuseqarnikkut pisarpoq. Siunnersuut killiliussarlu 35.000 kr. pigisanit iluanaarutisiamik naatsorsuineranut attuumassuteqarpoq.

Pisinermi aningaasartuut *annerpaamik* kvadratmeterimut 35.000 kr-sinnaanera siunnersuutip malitsigaa. Aningaasartaliussaq ukiuni pingasuni aningaasartaliussamut tassunga qaffakkiartortinneqassaaq. Matumani sanaartornermi akit ineriartornerannut nalimmassaaneq pineqarpoq.

Maanna aningaasartaliussaq kvadratmeterimut 15.000 kr akeqanngitsumik ineqartitaanerup nalinganik aalajangersaanermi pigisanit iluanaarutisiamik naatsorsuinermi annerpaaffiliisuvoq.

Akeqanngitsumik ineqartitaanerup nalingata inissiamik pisinermi akiviusoq, amerlanertigut aningaasartaliussamit tassannga appasinnerusoq, tunuliaqutaralugu naatsorsorneqartarnera oqaatigineqassaaq.

Tamanna assersuut 2, siunnersuutip nassuiaataani nalinginnaasuni ilaatigut akeqanngitsumik ineqartitaanermik imaqaartumi immikkoortoq 2.3.2-mi nassuiarneqarpoq.

Illu 80 kvadratmeter pisinermi 1.120.000 kr-nik akeqartoq aallaavigineqarpoq.  
Malittarisassat atuuttut naapertorlugit pigisanit iluanaarutisiaq (14.000 x 80 kvm. x 1,5  
pct. =) ukiumut 16.800 kr-iuvoq.

Taama pisoqarnerani inatsisissatut siunnersuutikkut pigisanit iluanaarutisiaq  
qaffasinnerulissanngilaq, inissiammi pisiarineqarnerata nalinga maanna  
qaffasinnerpaaffiup 15.000 kr-p ataaniimmat.

Inissiat pisoqaanerusut akikinnerusulluunniit pineqartillugit, inatsisissatut siunnersuutip  
malitsigisaanik akileraarusiineq allanngunngitsoq assersuutip takutippaa.

Aningaasartaliussami akeqanngitsumik inigisap annertoorujussuarmik  
appasissorujussuarmilluunniit nalilernerqarneranik pisoqannginnissaanik  
qulakkeerinissaq siunertaavoq.

**a) Suliffeqarfiit sulisussanit pilerigineqarnissaat eqqarsaatigalugu  
aningaasanut killiliuissat nutaat qanoq kinguneqartussatut Naalakkersuisunit  
nalilernerqarpat?**

**Akissut:**

Aningaasartaliussat Kalaallit Nunaata sulisartunik maannarnissamik pilerititsineranut  
kinguneqaateqassanganneqanngilaq.

Kalaallit Nunaata pilerilersitsillunilu sulisunik tigumminiinnarsinnaanerani inunnut  
ataatsimut sinaakkutitut atugassarititaasut apeqqutaapput. Akileraarusiisarnermut  
inatsisip saniatigut attaveqaatinik atuisinnaaneq, suliffeqarfiit, aningaasarsiat  
qaffasissusaat il.il. tassani ilaapput.

....

Taamaalillunga apeqqutit siornatigut allakkatigut pissarsiarisakka akivakka.

Naggasiullugu naalaarnissinnut oqallinnermullu pitsaasumut qujavunga.

	Art	Spec	Tekst	2010	2011	2012	2013	2014	2015	2016	2017	2018	2019
100101	1430	79	Brændstof	15.124	7.267	11.304	7.175	5.479	44.623	41.277	25.745	50.622	45.269,83
		80	Vægtafgift	35,482	10,467	10,048	10,746	5,373	73,047	78,386	1,684	51,509	52,722,00
		81	Forsikring	46,785	10,859	7,683	7,835	5,054	26,562	31,953	10,746	45,034	53,236
200101	1430	82	Reparation, vedligeholdelse	242,850	28,954	34,134	9,583	3,117	185,856	106,013	132,669	119,388	155,861,57
		80	Brændstof	8,718	6,127	5,785	2,815	724	14,690	6,361	10,043	4,832	5,026,84
		81	Vægtafgift	12,561	5,191	10,048	18,581	10,746	11,246	15,929	15,895	10,746	10,746,00
		82	Forsikring	36,785	7,689	7,683		5,054	10,229				
270101	1430	82	Reparation, vedligeholdelse	4,949	10,112	8,322	9,029	5,054	10,102	5,705	6,995	22,802	4,751,83
		79	Brændstof					55					
300101	1430	82	Reparation, vedligeholdelse								10,229	1,130	
		79	Brændstof	8,706	2,495	11,949	9,273	7,327	7,106	5,823	1,684	3,639	1,392,83
		80	Vægtafgift	17,248	5,024	28,633	6,059	11,246	10,746	10,897	10,746	16,619	5,373,00
		81	Forsikring	29,428	7,523	12,683	7,835	5,054	10,214	10,366	5,149	5,241,00	5,241,00
340101	1430	82	Reparation, vedligeholdelse	29,147	19,932	14,268	31,504	26,441	3,948	12,357	8,092	6,209	7,022,88
		79	Brændstof	13,160	16,938	30,307	10,200	2,136	8,953	16,980	14,101	8,147	3,133,26
		80	Vægtafgift	16,748	15,072	20,096	17,305	10,746	10,746	10,746	5,373	10,746	10,746,00
		81	Forsikring	14,714	15,046	15,531	15,670	5,054	5,114		5,407	5,407	
400101	1430	82	Reparation, vedligeholdelse	34,736	34,908	79,350	31,307	47,362	9,789	7,181	7,575	22,257	39,951,94
		79	Brændstof	13,455	31,857	18,908	26,386	9,761	11,121	16,269	32,300	9,246	998,85
		80	Vægtafgift	16,748	10,048	5,024	2,737	5,373	15,123	10,746	16,804	10,746	10,746,00
		81	Forsikring	7,357	7,523	30,732	0	5,054	5,114	5,183	5,149	5,149	2,705,00
500101	1430	82	Reparation, vedligeholdelse	40,629	46,769	48,623	2,649	6,126	11,119	23,694	29,164	23,377	250,20
		79	Brændstof	8,562	8,958	4,279	30,262	7,915	7,915	3,130	-2,454	5,889	6,457,88
		80	Vægtafgift	16,425	29,660	16,424	23,098	8,787	15,572	10,048	10,048	18,835	10,048,00
		81	Forsikring	19,714	15,046	15,366	6,711	5,054	5,183	4,857	1,518	12,123	33,869,74
640101	1430	82	Reparation, vedligeholdelse	25,182	11,656	36,841	8,343	19,512	8,892	4,857	4,082	8,294	5,839,23
		79	Brændstof	22,888	6,846	8,964	8,343	340	2,411	10,746	10,746	10,746	11,746,00
		80	Vægtafgift	26,986	25,377	29,806	16,567		4,828	4,828	5,149		
		81	Forsikring	27,071	15,046	15,366	15,670	5,054	8,827	5,183	978		
660101	1430	82	Reparation, vedligeholdelse	19,649	21,343	19,292	4,759	2,801	8,827	3,943		11,294	7,637,50
		79	Brændstof	0	780								130,28
		80	Vægtafgift	3,347	5,475								
		81	Forsikring	17,357	7,523	2,500							
670101	1430	82	Reparation, vedligeholdelse	47,931									
		79	Brændstof									5,893,17	10,746,00
		80	Vægtafgift										
		81	Forsikring										
700101	1430	82	Reparation, vedligeholdelse	18,359	16,936	19,331	1,805	5,625	6,896	8,311	4,266	4,942	9,634,00
		79	Brændstof	12,561	12,141	21,625	2,894	10,048	10,548	15,946	2,055	4,735,59	4,735,59
		80	Vægtafgift	22,071	15,046	5,000	9,735	5,523	10,229	5,183	5,149	20,854	10,048,00
		81	Forsikring	39,037	9,569	44,104	3,001	5,523	50,444	-1,382	20,476	7,548	5,241,00
730101	1430	82	Reparation, vedligeholdelse										12,241,12
		79	Brændstof				2,945	3,220	4,105			690	277,41
		80	Vægtafgift				4,721	8,792	0				
		81	Forsikring				3,100	1,466		5,183	5,149	5,149	
770101	1430	82	Reparation, vedligeholdelse	2,869	1,772	2,208	4,897	1,131	23,284	5,747		13,985	
		79	Brændstof	9,874		0	0						
		80	Vægtafgift	7,357		0							
		81	Forsikring	3,616		2,864							
Hovedtotal		82	Reparation, vedligeholdelse	1,002,371	506,026	655,082	378,031	274,836	650,501	523,486	540,397	545,845	537,227,95

NOTE:

- 10 Formandens departement
- 20 Finanser og Skatter
- 27 Udenrigsanliggender.
- 30 Sociale Anliggender og justits
- 34 Sundhed
- 40 Kultur, Uddannelse, Forskning og Kirke
- 50 Fiskeri, Fangst og Landbrug
- 64 Erhverv og Energi
- 66-67 Rastoffer og Arbejdsmarked
- 70 Boliger og Infrastruktur
- 73-77 Natur og Miljø



**Aningaasaqarnermut Akileraartarnermullu Ataatsimiititaliaq  
/-Maani**

**Ilanngussaq  
Bilag C**

**Ulloq 29/10/2021 UKA2021/17 Uunga siunnersuut: Uunga siunnersuut:  
Aningaasarsianit akileraarutit pillugit Inatsisartut inatsisaata  
allanngortinneqarneranik Inatsisartut inatsisaat isumasioqatigiinnerup kingorna  
malitseqaataasumik allakkatigut akissutit**

Brevdato: 30-10-2021  
Sags nr. 2020 - 23155  
Akt id. 18356441

P. O. Box 1037  
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Asasakka Aningaasaqarnermut Akileraartarnermullu Ataatsimiititaliami ilaasortat.

Aallaqqaasiullugu ataatsimiititaliami ataatsimeeqatiginnerput, inatsisissatullu  
siunnersuut pillugu akissuteqarnissamut periarfissinneqarnera qujassutigaa.

Isumasioqatigiinnermi ataatsimiititaliap apeqqutaanut ataatsimut allakkatigut  
akissummik nassiussinissara neriorsuutigaara. Akileraarusigaanngitsumik  
ajunngitsorsiat arlallit A-tut isertitanngortinneqarnerat namminersortunut sulisitsisunut  
qanoq sunniuteqassanersoq apeqqutigineqarpoq.

Ajunngitsorsiat akileraarusigaanngitsut amerlasuut A-tut isertitanngortinneqarneranni  
taakku ullumikkut ilisimaneqareersumik nalinginnaasumik ilanngaatigineqartussanut  
ilaatinneqalissapput. Siunnersuut akileraarummut A-mut ilanngaassisarnermi  
periusaareersunik annertuumik allannguinnermik nassataqanngilaq.

Sulisitsisoq qaammatikkaartumik akileraarutaagallartup suup aningaasarsiamit  
ajunngitsorsianillu qaammammi pineqartumi sulisumut atugassanngortinneqartunik  
aningaasarsianit ilanngaanneqartussatut akileraarusiussaagallartumik  
naatsorsuisassaaq. Suliassap tamatuma sulisitsisumut oqilisaassutigineqarnissaa  
siunertaralugu, siunnersuut ajunngitsorsiat pineqartut akileraarusiisarnikkut nalingannit  
naatsorsuinissamut kinaassusersiortuunngitsunik erseqqissunik imaqqarpoq.

Ilanngaassisussaataasooq qaammatit tamaasa ilanngaatigineqartunik  
nalunaarutiginnittassaaq. Tamanna A-1-nik qaammatikkaartumik  
nalunaarutiginninnermik taaneqartunik qaammatissiummi qaammatip tulliaata qulingani  
nalunaarutiginninnikkut pisassaaq.

Akileraarusiussaagallartut ilanngaatigineqartoq qaammatip tulliaata aallaqqaataani  
akilerneqartussanngortarpoq, akilerneqartussanngorfiala kingorna qaammammi ulloq  
siulleq akiliiffissaasarpoo kingulleq.

Ukiup isertitaqarfiusup kingorna januaarip naanerani sulisitsisoq ataatsimut isertitat  
tamarmiusut, A-nik isertat ajunngitsorsiat il.il., sulisut ataasiakkaat pissarsiarisaannik  
nalunaarutiginnissaaq.

Qaammatikkaartunik nalunaarutiginniffinni imaluunniit ukiumoortumik  
nalunaarutiginniffinni A11-mi allannguutit suut siunnersuutip malitsigisaanik pissanerat

suli isummerfigineqanngilaq. Tamanna inatsisissatut siunnersuutip ilaata taassuma pilersaarutit malillugit aatsaat 2023-mi atulersussaananerani patsiseqarpoq.

Naggasiullugu isumasioqatigiinnermi akeqanngitsumik ineqartitaanermut tunngatillugu akissutigisakka ilassuteqarfigilaarumavakka.

Ataatsimiititaliap assersuut, soorlu Upernavimmi illumik sananerup annertooujussuarmik aningaasartuuteqarfigineqarsinnaanera erseqqissaatigineqarpoq. Taanna peqatigisaanik illup akeqanngitsumik sulisumut il.il. atugassanngortinneqarnerani illup qaffasissumik nalilerneqarneranut pissutissaqartitsilersinnaavoq.

Ataatsimiinnermi taaneqareersut saniatigut siunnersuummi § 1, nr. 7 (inatsisip oqaasertani § 19, imm. 9) eqqumaffigineqarnissaa innersuussutigineqarpoq.

Aalajangersagaq taanna naapertorlugu akeqanngitsumik inigitinneqartup nalingata naatsorsorneranut periuseq oqaatigineqartoq, niuernermik periutsinik aallaaveqartumik piffimmi pineqartumi ineqarnermut akiliutit, akeqanngitsumik inigisap nalinganik naatsorsuinnermi 20 procentinik annertunerusumik nikingappat, sanioqqunneqarsinnaavoq. Sanioqqussisinnaanermut periarfissaq taanna pisuni ikittuni niuernermik periutsit malillugit ineqarnermi akit appasiffigisaanni, inoqarfinni inissianik akisuunik atugassanngortitsinerni atorineqartussatut eqqarsaataavoq. Taamatut pisoqartillugu Akileraartarnermut Aqutsisoqarfik inigisap akileraarusiinnikkut nalinganik appasinnerusumik, inissiap assingata niuernerpalaartumik attartornermi akinganik toqqammaveqartumik akuersisinnaavoq.

Inussiarnersumik inuulluaqqusillunga

  
Aii Chemnitz Narup



**Aningaasaqarnermut Akileraartarnermullu Ataatsimiititaliaq  
/Maani**

**Ilanngussaq  
Bilag D**

**UKA 2021/17 Uunga siunnersuut: Aningaasarsianit akileraarutit pillugit  
Inatsisartut inatsisaata allanngortinneqarneranik Inatsisartut inatsisaat –  
ilassutitut tusarniaanerup inerneru**

Brevdato: 06-10-2021  
Sags nr. 2020 - 23155  
Akt id. 18077719

Asasakka Aningaasaqarnermut Akileraartarnermullu Ataatsimiititaliami ilaasortat

Inatsisartut maannakkut ataatsimiinneranni immikkoortoq siuliani taaneqartoq  
innersuussutigalugu, matumuuna tusarniaanermut allakkiaq Aningaasaqarnermut  
Akileraartarnermullu Ataatsimiititaliap siunnersuummik suliarinninneranut atugassatut  
nassiunneqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Inussiarnersumik inuulluaqqusillunga

  
Aii Chemnitz Narup





## Allakkiaq Notat

Uunga  
Til

Aningaasaqarnermut Akileraartarnermullu  
Ataatsimiititaliaq

Assinga uunga  
Kopi til

Brevdato: 06-10-2021  
Sags nr. 2020 - 23155  
Akt id. 17937492

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**Tusarniaanermut allakkiamut ilassut: Aningaasarsianit akileraarutit pillugit  
Inatsisartut inatsisaata allanngortinneqarneranik Inatsisartut inatsisaat pillugu  
ilassutitut tusarniaaneq.**

Aallaqqaasiullugu kommuninut ataatsimoortumik akileraarutitut procentip inatsisitigut  
aalajangersarneqartarnera pillugu kommuninut immikkut tusarniaaneq suliarineqassaaq.  
Tulliullugu 9. augustimit – 10. septemberimut ilassutitut tusarniaasimaneq  
suliarineqassaaq.

Kommuninut ataatsimoortumik akileraarutitut procentip aalajangersarneqartarnera.  
Aningaasaqarnermut Nunamullu Namminermut Naalakkersuisoqarfik 16. juli 2021-mi  
kommuninut kiisalu kommunit aningaasaqarnermut pisortaannut, kommuninut ataatsimut  
akileraarutitut procentip inatsisitigut aalajangersarneqartarnerannut kommunit  
isumaannik tusarniaanissamut siunertaqartumik allagaqarpoq.

./. Kommuninut allaqatigiissutit assilineri allakkiamut uunga ilanngunneqarput.

Ilaatigut Kommune Qeqertalimmit kommunillu ataatsimoorussamik akissutaannik  
tigusaqartoqarpoq. Kommune Qeqertalimmit akissut ataatsimoorullugu akissummut  
assingungajammat, kingulleq kisiat allaaserineqarpoq. Akissut tulliuttumi  
ilanngunneqarpoq, naalakkersuisoqarfiullu akissutai *uingasunngorlugit* allanneqarput:

"Ukiuimoortumik Inatsisartuni kommuninut ataatsimoortumik akileraarutit  
aalajangersarneqartarneranik suliarinnittarnerup sipaarnissaanik siunertaq kommunit  
tapersorsorpaat.

Kommunilli kommuninut ataatsimoortumik akileraarutit pituttornissaa kissaatiginngilaat,  
inatsisitigummi aalajangersaaneq taamannak inissiisinnaavoq.

Taamaammat kommunit Aningaasaqarnermut Nunamullu Namminermut  
Naalakkersuisoqarfiup kommunit peqatigalugit, piffissaq ungasissumut kommuninik  
naligiissaarinnermut aqqissuussamik nutaamik kaammattuutiliornissamut  
suliaqartoqassasoq kaammattuutigaat. Sulineri tassani kommuninut ataatsimoortumik  
akileraarummut procenti qitiusunut ilaassaaq.



Kingorna politikikkut suliarinninnissaq nangaassuteqarfigineqarpoq."

*Kommunit tusarniaanermut akissutaat allannguinnissamut pissutissaqalersitsinngilaq.*

*Inatsisitigut aalajangersaanerup imminermi kommuninut ataatsimut akileraarutip procentiaa pituttornissaanik oqaatigisanut tunngatillugu, maannamut inatsisartut ukiumoortumik annertussutsimik aalajangiisarnarata kommuninut ataatsimoortumik akileraarutip procentianik ingerlaavartumik nikerartitsisimaneranik nassataqannginnera eqqarsaatigineqartariaqarpoq. Kommuninut ataatsimoortumik akileraarutip procentia 2005-imili allanngortinneqanngilaq.*

*Kommuninut nalimmassaasarnermik aqqissuussinissamik kissaateqarnermut tunngatillugu, taanna attassinissamut siuariartortitsinissamullu pilersaarutissap ilagisinnaagaa naatsorsuutigineqarpoq. Kommuninullu nalimmassaasarnerup allanngortinneqarnissaanut apeqqut qanorluunniit pisoqaraluarnarani kommuninik sukumiisumik sulissutigalugulu oqaloqatigiissutigineqartariaqarpoq. Taamaalillunilu apeqqutip taassuma immikkoortillugu suliarineqarnissaa aamma eqqarsaatigineqarsinnaavoq.*

*Naalakkersuisoqarfik kingorna tassannga allannguinnissaq pillugu, kommunini politikikkut suliareqqinneqarnerata kingorna, tusarniaanermut akissummi nassiunneqartuni tigusaqanngilaq.*

#### Tusarniaanermut ilassut

Inatsisissatut siunnersuutip siuliani taaneqartup ilaa nalinginnaasumik tusarniaanerup saniatigut, Inatsisartut Allattoqarfiannut, SIK-mut, IMAK-mut, ASG-mut, NPK-mut DJØF-imullu 9. augustimit – 10. septembarimut 2021-mi ilassutitut tusarniaassutigineqarpoq.

Illassutitut tusarniaanermut tusarniaaffigineqartut siuliani taaneqartut pisortatigoortumik tusarniaanermi, inatsisissatut siunnersuutip tusarniaanermut saqqummiussivimmi tamanut takusassiarineqarnerani akissuteqarsimannginnerat tunngaviuvoq.

Killiliussap qaangiunnerani SIK-mit, ASG-mit, NPK-mit DJØF-imillu akissutiniq tigusaqartoqanngilaq.

IMAK-mit Inatsisartullu Allattoqarfiannit akissutiniq tigusaqartoqarpoq.

Tusarniaanermut akissutitulliuttuni allanneqarput. Naalakkersuisoqarfiup oqaatigiumasai *uingasunngorlugit* allanneqarput:

#### **IMAK**

"IMAK-p siulersuisua aningaasarsianit akileraarutit pillugit inatsisartut inatsisaata allanngortinneqarnera pillugu tusarniaanermut allakkiat oqaluuseraat.

IMAK-p siulersuisui tusarniaanermut allakkiamut oqaatigisassaqaanngillat."

*Tusarniaanermut akissut allannguinnissamut pissutissaqartitsinngilaq.*

### **Inatsisartut Allattoqarfiat**

Aallaqqaasiullugu GrønlandsBankenip tusarniaanermut akissutitut nassiusaa annertuumik isumaqatigaarput, Inatsisartut Allattoqarfiatami ilaatigut allaffissornerulernissamik aarlerinaateqarneq isumaqatigimmassuk.

*Tusarniaanermut akissut allannguinnissamut pissutissaqalersitsinngilaq.*

*Inatsisissatummi siunnersuummi akileraarusigaanngitsumik ajunngitsorsiasat amerlanersaasa, siunnersuutip annertuutigut periusaareertut ingerlateqqiinnarneqarnissaat nassatarissavaa. Taakkununga akeqanngitsumik nerisaqarneq, akeqanngitsumik ineqarneq, akeqanngitsumik oqarasuaateqarneq, akeqanngitsumik ineqartinneqarlunilu nerisaqartinneqarneq ilaapput, taakkunungali nalimmassaasoqarlunilu pisariillisaasoqassaaq. Taakkununga tunngatillugu inatsisissatut siunnersuut allaffissornikkut nammakkersuutinik annertusisissanngitsoq naatsorsuutigineqarpoq.*

*Ilaannakortumik akiliunneqarlunilu angalanerit akileraarusigaanngitsunillu ajunngitsorsiat isertitat A-nut allanngortinneqarnerini siunnersuutip allaffissornikkut kingunerannut, tulluuttuni akissutit innersuussutigineqarput.*

Akileraarutitigut ilanngaati il.il. annertussusaat, manna tikillugu inatsisartut ukiumoortumik aalajangersaanikkut annertussusilertagaat, siunissami inatsisip oqaasertaatigut toqqaannartumik aalajangersarneqartalissasoq atortussiani allaqqavoq, ilaatigummi aalajangiiffissatut siunnersuummik allaffissornikkut piareersarneq, tusarniaaneq, saqqummiussissusiorneq isummernissamullu tunngavissiat ukiut ingerlanerani ritualitut innersuussutigineqarmata. Tamanna Inatsisartut Allattoqarfiata isumaqatigaa, taamaammallu allannguutissatut siunnersuutigineqartumut oqaatigisassaqaarnani.

*Tusarniaanermut akissut allannguinnissamut pissutissaqalersitsinngilaq.*

"Siunnersuut "akileraarusigaanngitsunik ajunngitsorsianik" sukaterinernik arlalinnik imaqartoq, tamatuma saniatigut Inatsisartut Allaffeqarfiata naliliutigaa, tamannalu sulisunut Inatsisartunullu ilaasortanut akileraarusiisarnikkut qaffaavigineqarnertut misigineqassaaq. Tamanna ajunngitsorsiat qaffanneqarnissaannik piumasaqarnermik imaluunniit aningaasarsianik isumaqatiginninniarnert isumaqatigiissutinillu nutarterinissat pillugit isumaqatiginninniarnerni aningaasarsiatigut matussusiivigineqarnissamik piumasaqarnermik nassataqarumaartoq Inatsisartut Allattoqarfiata naatsorsuutigaa, sulisummi Inatsisartunullu ilaasortat maannamut ajunngitsorsiaminnik atugassanillu ajornerulertutut misigissammata. Taamaammatt siunnersuutip naggataagut aningaasartuuteqarfiunera sulisussarsisinnaaneq sulisunillu tigungminniinnarsinnaaneq eqqarsaatigalugu sulisitsisunit nammanneqarnissaat Allattoqarfiup isumannartippaa."

*Tusarniaanermut akissut allannguinnissamut pissutissaqalersitsinngilaq.*

*Inatsisissatut siunnersuut akiliunneqarluni angalanerit qaffasinnermik akileraaruserneqartarnissaannik imaqarpoq, siunnersuummimi ilaannakortumik akiliunneqarluni angalanerini inuinnartut angalanerup killiliussat ilaannik qaangiinerani akileraaruserneqartarnissaannik imaqarpoq. Taamattaq akeqanngitsumik biileqartinneqarnerup nalingisa nalimmassarneqarnissaat siunnersuutigineqarpoq,*

*taakkumi 2012-lli kingorna nalimmassarneqanngillat. Taamattaarluni akeqanngitsumik ineqartinneqarneq ullumikkornit, inissiap pisiarineqarnerani sananeqarneraniluunniit nalingata kvadratmeterimut 15.000 kr.-t annertunerunerani annertunerusinnaanera siunnersuutikkut ammaanarpoq.*

*Taamaalilluni annertunertigut pisuni aningaasarsiaqarluni sulisartup il.il., akeqanngitsunik ajunngitsorsiat ilaannik tamanilluunniit atugassanngortitsineqarnerani, aatsaat siunnersuut akileraarusiisarnerup qaffaavigineqarneranik nassataqassaaq.*

*Ajunngitsorsiat taakku akileraarusiisarnikkut maanna iluaqutaanerisa, ajunngitsorsiat taakku atugassanngortinneqarnissaat soqutigartunngortippaa, sulisartumummi ajunngitsorsiat nalinga akileraarusiisarnikkut naligitinneqartumit annertunerummat. Assersuutigalugu inuinnartut biilimik piginnittuunermi, pisinermut, aqqusinikkoornermut akitsuummumt sillimmatinut, orsussamut, iluarsaanernut il.il. aningaasartuuteqarneq akisunerujussuusinnaavoq.*

*Soorluttaaq aningaasartuutit qaffaataasigut allatigut sulisartut akileraarutitigut qaffaavigineqarnerminnit sulisitsisuminnit il.il. matussusiivigineqarnissamik piimasaqarsinnaanerit pissanngitsutut oqaatigineqarsinnaanngitsoq. Sulisartoqarnerminili tamatuma annertussusaata missingernissaa ajornarpoq. Inatsisartuni pisortanilu sulisunut piimasaqaataasinnaasut Namminersorlutik Oqartussanik isumaqatiginninniarnernut ilaatinneqassapput, taamaalillunilu isumaqatiginninniartarnerni taakkunani tunngaviit aalajangersimasut iluanni oqaloqatigiissutigineqassallutik.*

*Siunnersuutip Inatsisartunut ilaasortat kingunerisassaanut atatillugu, tusarniaanermut allakkiap uuma naggataani naalakkersuisoqarfiup oqaatigisai innersuussutigineqarput.*

*"Taamattaq sukaterissutigineqartussatut siunnersuutigineqartut annikigisassanngitsumik allaffissornermik nassataqassasut, aamma Aningaasaqarnermut Nunamullu Namminermut Naalakkersuisoqarfiup suliaqqarsuut taanna annikinaarlugu nalileraa, Inatsisartunut Allattoqarfik naliliivoq. Tassunga atatillugu akeqanngitsumik ajunngitsorsiat B-nit akileraarusiisarnermit A-nut akileraarusiisarnermut allanngortinneqarnissaanut siunnersuut innersuunneqassaaq, tamannalu Allattoqarfiup ima paasivaa, siunissami qaammatikkaarlutit nalunaarutinut isumalluutinik atuisoqartariaqassasoq/atugassanngortitsisoqartariaqassasoq. Taamattaq akeqanngitsumik feeriarluni angalatinneqartarnerit pillugit siunnersuut allaffissornermik annertunerulersitsinermik nassataqartussatut isigineqarpoq. Inuussutissarsiutinik ingerlatsinermut atatillugu angalanissamik pilersaarutigineqartuni inuinnartut angalasoqarsimanerata nakkutiginnissaa aqunneqarnissaalu ajornakusoorsinnaasoq, ilaannakortumillu akiliunneqarluni angalanernut allaffissornikkut, nakkutilliinikkut nalunaaruteqartarnikkullu annikigisassanngitsumik suliaassiissuteqartoqassasoq Inatsisartut Allattoqarfiata nalilerpaa."*

*Tusarniaanermut akissut allannguinnissamut pissutissaqalersitsinngilaq.*

*Allaffissornikkut suliaassiissutit annertunerulernissaannut oqaatigineqartut, pingaarnermik ilaannakortumik akiliunneqarluni angalanernut kiisalu akileraarusigaanngitsunik ajunngitsorsiat A-tut isertitanngortinneqarnerannut tunngapput.*

*Ilaannakortumik akiliunneqarluni angalanerit akileraarusernissaat siunertaralugu, sulisitsisut taassuma nalinganik akileraaruseriffimmut nalunaaruteqartarnissaannik peqquneqarput. Ilaannartumik akiliunneqarluni angalanerit akileraaruserneqartussaataasut tassaapput angalanerit ullut tullerit tallimat sinnerlugit feeriartoqarnera sulinnigiffeqartoqarneraluunniit, imaluunniit ullut angalaffiusut 50 %-iinit amerlanerusut feeriamut sulinnigiffeqarnermulluunniit il.il. atorineqarnerat. Taamaattoqarpat akileraarusigassap annertussusaa naatsorsorneqassaaq nalunaarutigineqarlunilu.*

*Suliassaq taanna atorfimmuut atatillugu angalanerit tapiliullugu ullormusianik naatsorsuisartussaananerit, sulisullu il.il. aningaasartuutaasimasinnaasunik taarsiiffigineqarnissamik naatsorsuusiortigineqarnerannit allaffissornikkut suliaqarnerunngitsutut isigineqarpoq. Pissutsit taakku allaffissornermi periutsitigut aaqqiissutissarsitinneqareerput. Nalinginnaasumittaaq suliffimmut atatillugu angalanerit feeriarneqassaaq aamma sulinerup pilersaarusiornissaa feeriarnerillu naatsorsorneqarnissaat ilaatigut eqqarsaatigalugit siumoortumik isumaqatigiissutigineqareertarpoq.*

*Sulisitsisut tamakku isumagineqarnissaannut iluaqutaasussamik immersugassianik suliaqarnissaat, qarasaasiakkullu aaqqiissutinik il.il. ineriartortitsinissaat naatsorsuutigineqarpoq.*

*Suliffeqarneq ataatsimut isigigaanni, allaffissornikkut suliassiissutip annertussusaa malunnaateqassanganneqanngilaq. Siunnersuulli suliffeqarfinnut ingerlatsivinnullu annertuumik sulisut angalaffigisartagaannut, taamaammallu taakkununga atatillugu annertunerusumik feeriarneqassaaq il.il. periarfissaqarnerusunut allaffissornikkut sunnuteqassaaq.*

*Akeqanngitsumik ajunngitsorsiat amerlanerusut 2023-mit A-tut isertitanngortinneqarpata, tamatuma akileraaruserneqartussatut ajunngitsorsiat qaammatikkaartumik nalunaarutigineqartarnissaat nassatarissavaa. Tamatuma nalunaaruteqartarnerit amerlinerat kiisalu sulisitsisut taakkununga akileraarutinit ilanngaasiillutillu akileraarutinit A-nik akileraaruseriffimmut ingerlatitseqqittarnissaat nassatarissavaa.*

*Tamanna ingammik qarasaasiatigut aaqqiissuussanik suliaqarnissap allaffissornikkullu periutsinik sungiussinissap tungaanut suliakkersuutaanerunissaa aamma naatsorsuutigineqarpoq.*

*"Naggasiullugu Inatsisartunut Allattoqarfiup imm. 2.3.2 (akiliunneqarluni feeriarnermi angalanerit pillugit siunnersuut) erseqqissuutinngilaq. Siunnersuut sulisunut atorfilinnullu siunnersuummi tunngatinneqartoq atuarneqarsinnaavoq. Taama allaaserinninneq immikkoortumik issuaanermi uani atuarneqarsinnaavoq: "Maleruagassat atuunneranni ilaatigut sulisut sulinerminnut atatillugu angalanerit ataqaqatigiissillugu sulinnigiffeqarlutik pisuni akileraarusiisoqartassanngilaq. Taamaattoqarnerani sulisut akileraarutitigut iluaquserneqassapput. Iluaqutissartaasut namminersortuni imaluunniit pisortani sulinerup aaqqiissuunneqarneranut sunnuteqartuni annertunerpaajupput, aammalu sulillutik angalanerminnik aaqqiissuussinikkut sulinnigiffeqarluni angalanerit nammineerlutik aningaasartuutiminnik annikillisisinnaallutik."*

Inatsisartunut ilaasortat atorfilittut, sulisorisatut aningaasarsiaqartutulluunniit isigineqarsinnaangimmata – akerlianilli ilaasortatut ajunngitsorsiaqartutut isigineqarmata, ilaannakortumik akiliunneqarluni angalanerit pillugit siunnersuut qanoq annertutigisumik Inatsisartunut ilaasortanut atuutsinneqassanersoq Inatsisartunut Allattoqarfiup erseqqissuutinngilaa.”

*Oqaatigineqartut tulluittuni nassuiarneqartutut allannguutissatut siunnersuuteqarnissap naapertuussinnaanerani isumaliuteqarsinnaanermut tunngavissaqalersitsivoq.*

*Siuliani issuarneqartuni periutsit atuuftup kingunerisassai paasiuminartumik nassuiaateqarfigai.*

*Naalakkersuisoqarfiup tulluittumi siunnersuutip Inatsisartunut ilaasortanut kingunerisassai nassuiaateqarfigissavai.*

*Inatsisartunut ilaasortat ullumikkut, aalajangersakkat pineqartut sanioqqunneqarnissaannik allatut aalajangersaasoqarsimatinnagu, akeqanngitsumik ajunngitsorsianiit akileraarusiiffigineqartarnermut nalinginnaasumik maleruagassanut ilaatinneqareerput.*

*Tassunga assersuutitut akileraarusiisarnermut ingerlatsiviup nalunaarutaa nr. 133-mi (ukioq isertitaqarfiusoq 2021) nalinginnaasumik malittarisassat malillugit Inatsisartunut ilaasortat Inatsisartunut Allattoqarfiimmit partiimilluunniit atugassanngortinneqartumik akeqanngitsumik oqarasuaateqartinneqarneranut akileraarusiiffigineqartareernerat taaneqarsinnaavoq.*

*Pisut ilaanni tamanna inatsimmi erseqqissumik takuneqarsinnaavoq. Assersuutigalugu § 19, imm. 1, uniffiit aappaanni akeqanngitsumik biileqartitaanerup naatsorsorneranut malittarisassat malillugit ”Taamaattut inummumut siulersuisunut ilaasortatut qinigaasimasumut imaluunniit siulersuisunut, ataatsimiititaliamut, kommissionimut, siunnersuisoqatigiinnut, aalajangiisartutut ataatsimiititaliamut allatulluunniit aaqqissuussinernut, tamatumani aamma Naalakkersuisunut, Inatsisartunut aamma kommunalbestyrelsinut atuuppoq.”*

*Oqaasertat taakku assingi inatsisissatut siunnersuummi § 19 a, imm. 1-imi akeqanngitsumik ineqarneq, akeqanngitsumik nerisaqarneq, akeqanngitsumik interneteqarneq il.il. atorneqarpoq, taamaalillunilu imarisamigut Inatsisartunut ilaasortanut atorneqarsinnaassalluni.*

*§ 19 b akeqanngitsumik angalanermut tunngasoq § 19-itulli 19 a-sulli aallarniuteqanngilaq. Taamaattoq “[... akeqanngitsumik angalanerup nalinga] aningaasartuutitut sulisitsisup angalanermut akiligaannut, aalajangersarneqassaaq[...].” (Naalakkersuisoqarfiup atafigut titagaq).*

*Aalajangersagaq taamaalilluni akeqanngitsumik angalanerit, sulisitsisup ataani pisut pingaarnertut siunnerfigineqarput.*

*Inatsisissatut siunnersuummi § 19 b sulisartunut sulisitsisunullu tunngasut avataanni aamma atorneqarnissaa sinertaavoq, taamaammallu aamma Inatsisartunut ilaasortanut, kommunalbestyrelsimi ilaasortanut siulersuisunilu ilaasortanut atuutissaaq.*

*Siunnersuummi § 19 b maannatut oqaasertaligaanermigut pissutsit sanilliunneqarsinnaaffiini aamma sulisartut-sulisitsisut akunnerinnaasa avataanni atorneqassasoq naliliutigineqarpoq. Tamanna assigiimmik iliuuseqarnissamik periutsimik kiisalu akileraartarnermut ingerlatsiviup aallaavittut akileraarusiineri pissutsinik assigiinnik assigiimmik iliuuseqartussaananerani patsiseqarpoq.*

*Inatsisartunut ilaasortanut aallaavittut Inatsisartunut ataatsimiititalianullu ataatsimiigiarluni angalanerit il.il. akileraarusigaanngitsutut atorfirmut atatillugu angalanertut isigineqarnissaat atuuppoq.*

*Inatsisartunut ilaasortat ataatsimiititaliani angalanerminni nammineq inuttut atukkaminik, soorlu ilaqtutanik tikeraarni friissappata, siunnersuut malillugu Inatsisartunut ilaasortat § 19 b-mi ilaannakortumik akiliunneqarluni angalasarnerit malillugit akileraaruserneqartussaataaassapput, tassani angalaneg akileraarusigaanngitsutut feeriarnermi akiliunneqarluni angalanernut ilaatinngu. Ullut Inatsisartunut ilaasortanut paasisassarsiorluni angalanernut politikimilluunniit ataatsimiigiamerit atorneqartut sulinetut isigineqassapput.*

*Inatsisartut Allattoqarfiat ilanngaasiisussaataitaasutut paasisutissat ilaasortat ataasiakkaat tunniussaata aallaavigalugit angalanernut akileraaruserneqartussaataitaasunut akileraarusiisussaataitaavoq. Inatsisartunut ilaasortanut pissutsit immikkut ittuunerisa malitsigisaannik Inatsisartunut Allattoqarfik piffissami paasisutissat pigineqartut tunuliaqutaralugit nalunaarutigineqartut akileraarutinullu akilersinneqartut tamakkiisumik ilaannakortumilluunniit amigarpata akisussaatinneqassanngilaq.*

Inussiarnersumik inuulluaqqusillunga

Chefkonsulent Per Nielsen (Finansdepartementet)

Toqq/direkte 346408

[PNIL@nanog.gl](mailto:PNIL@nanog.gl)





### Kommunit

Kommunit pisortatigoortumik mailadressiit aamma aningaasaqarnemut pisortanut mailikkut nassiuqqarpoq:

### Kommunerne

Sendt pr. mail til kommunernes officielle mailadresser, samt økonomidirektører:

Niels Poulsen, Økonomidirektør [nipo@sermersooq.gl](mailto:nipo@sermersooq.gl)  
Peter Munch Eriksen, Økonomidirektør [pmer@qeqqata.gl](mailto:pmer@qeqqata.gl)  
Dorthe Løvstrøm Mathiesen, Økonomidirektør [dolo@avannaata.gl](mailto:dolo@avannaata.gl)  
Nicolai Odgaard Jensen, Økonomidirektør [noj@qeqertalik.gl](mailto:noj@qeqertalik.gl)  
Kim Rosendahl, Økonomidirektør, [kird@kuialleq.gl](mailto:kird@kuialleq.gl)

**Kommunitut ataatsimut akileraarutaasa procentianik aalajangersaaneq - uunga isummernissamut tunngavissamik tusarniaanermut ilassut: Uunga siunnersuutit: Aningaasarsianit akileraarutit pillugit inatsisip allanngortinnissaa pillugu Inatsisartut inatsisaat**

**Fastsættelse af den fælleskommunale skatteprocent – supplement til høring af udkast til: Forslag til: Inatsisartutlov om ændring af landstingslov om indkomstskat**

Piffissami 25. maj 2021-imiit 23. juni 2021-mut Aningaasarsianit akileraarutit pillugit Inatsisartut inatsisaata nr. 12, 2006-imeersup allanngortinnissaa pillugu Inatsisartut inatsisissaattut siunnersuut tusarniaassutigineqarpoq<sup>1</sup>.

Inatsisissatut siunnersuummi immikkoortoq ilaat tassaavoq akileraarutinit ilanngaatit il.il. inatsimmi oqaasertaliunneqassasut siunnersuutigineqarpoq.

Taanna inummut ilanngaata, nalinginnaasumik ilanngaata, isertitat akileraarutitaqanngitsut aamma killilimmik akileraartussaataaneq pillugu ilanngaatinut tunngapput, tamakku inatsisit atuuttut naapertorlugit Inatsisartut ukiup pineqartup siuliata affaani siullermi ataatsimiinnissaat sioqqullugu aalajangersarneqartarput.

Ilanngaatinik il.il. inatsisitigut aalajangersaaneq ilaatigut akileraarutinit ilanngaatit il.il. ukiumoortumik oqaluuserineqartarnerisa atorunnaarsinneqarnissaa kissaateqarnermik pissuteqarpoq. Tassami ilanngaatit il.il. qaqutiguinnaq aalajangersaaffigineqartarmata tamatuma suliarineqarnera aamma piffissap ingerlanerani Inatsisartut aalajangiiffigisassaattut siunnersuummik oqaluuserinnittarnerit ileqquliutiinnarneqartartut ittarmat. Tamatuma saniatigut siunnersuummi akileraarutinit ilanngaatit il.il. amerlassusiat pillugu innuttaasunit paasilluarneqarnissaat qulakkeerneqassaaq, tassami siunnersuuteqartoqareerneratigut tamakku inatsisip oqaasertaanut toqqaannartumik allassimalersussaammata.

Inatsisissatulli siunnersuummi tusarniaassutigineqartumi kommuninut ataatsimut akileraarutit procentia sulii isummerfigineqanngilaq.

<sup>1</sup>Tusarniaanermut atorut (toqqortat) uani takuneqarsinnaapput:  
[https://naalakkersuisut.gl/da/H%20c3%b8ringer/Arkiv-over-h%20c3%b8ringer/2021/2605\\_indkomstskat](https://naalakkersuisut.gl/da/H%20c3%b8ringer/Arkiv-over-h%20c3%b8ringer/2021/2605_indkomstskat)



Kommunit ataatsimut akileraarutaasa procentia - siuliani ilanngaait il.il.  
oqaatigineqartutut - ukiup qaammatsiuteqarfiusup affaanik sioqqullugu Inatsisartut  
ataatsimiinneranni aalajangersarneqartarpoq, Aningaasarsianit akileraarutit pillugit  
Inatsisartut inatsisaanni § 63, imm. 2 takuuk. Tamanna sioqqullugu kommunit kommunit  
ataatsimut akileraarutaasa procentia pillugu tusarniaaffigineqartussaapput.

Ilanngaait tagginneqartarnerisut kommunit ataatsimut akileraarutaasa procentia  
ukiorpaalussuarni allanngortinneqarsimanngilaq. Kommunit ataatsimut akileraarutaasa  
procentia kingullermik 2005-imi allanngortinneqarpoq, taamanilu akileraarutit  
aaqqissuusseqqinnerit ilaattut 4 procentiniit 6 procentinut amerlineqarput.

Naalakkersuisoqarfimmit siunnersuummi tassani, pilersaarutit malillugit 2021-mi  
ukiakkut ataatsimiinnermi oqaluuserineqartussaq, kommunit ataatsimut akileraarutaasa  
procentia aamma inatsisit oqaasertaannut ilanngunneqassasoq pillugu siunnersuut  
ilanngunneqassasoq eqqarsaatersuutigineqarpoq.

Siunnersuut assersuutigalugu imatut isikkoqarsinnaavoq:

" § 63, imm. 2 imatut oqaasertalerneqassaaq:

" Imm. 2. Kommunit ataatsimut akileraarutaasa procentia 6  
procentiussaaq." "

Inatsimmi aalajangersagaq taamatut ittoq akuersissutigineqassappat kommunit  
ataatsimut akileraarutaasa procentianik allanngineq inatsimmik allannguinnikkut  
piviusunngortinneqassaaq. Tamanna allannguinnissamut suliniutit Naalakkersuisunit  
kommunitilluunniit pissagaluarpat apeqqutaatinnagu taamaassaaq.

Matuma qulaani siunnersuut pillugu arlaannik oqaaseqaatissaqarussi qinnuigineqarpu  
tamakku uunga nassiteqqullugit [pnil@nanoq.gl](mailto:pnil@nanoq.gl) kingusinnerpaamik **ulloq 30. Juli 2021**  
**-imi.**

Tamatuma saniatigut matuma qulaani pineqartut pillugit apequtissaqarussi matuma  
ataani atsiortumut attaveqarnissassinut tikilluaqqusaavusi.

-----

Der har i perioden fra d. 25. maj til 23. juni 2021 været gennemført en høring af forslag  
til inatsisartutlov om ændring af landstingslov nr. 12 af 2006 om indkomstskat<sup>2</sup>.

Et af elementerne i lovforslaget er, at det foreslås, at de skattemæssige fradrag m.m.  
fastsættes i lovtæksten.

Dette drejer sig om personfradraget, standardfradraget, det skattefrie B-indkomst beløb  
og fradragssatsen for begrænset skattepligtige, som efter gældende ret fastsættes af  
Inatsisartut på en samling i første halvdel af året forud for det pågældende kalenderår.

<sup>2</sup> Høringsmaterialet (arkiv) kan tilgås her:  
[https://naalakkersuisut.gl/da/H%c3%b8ringer/Arkiv-over-h%c3%b8ringer/2021/2605\\_indkomstskat](https://naalakkersuisut.gl/da/H%c3%b8ringer/Arkiv-over-h%c3%b8ringer/2021/2605_indkomstskat)

Lovfæstelsen af fradragene m.m. er bl.a. begrundet i et ønske om at spare den årlige behandling af de skattemæssige fradrag m.m. Da fradragene m.m. sjældent har været reguleret, har udarbejdelsen, fremsættelsen og behandlingen af Inatsisartutbeslutningsforslaget over tid taget karakter af et ritual. Forslaget sikrer desuden klarhed for borgerne om størrelsen af de skattemæssige fradrag m.m., idet de efter forslaget vil fremgå direkte af lovtæksten.

I det lovforslag, som har været i høring, er der dog ikke taget stilling til fastsættelsen af den fælleskommunale skatteprocent.

Den fælleskommunale skatteprocent fastsættes - på samme måde som de førnævnte fradrag m.m. - på en samling i første halvdel af året forud for kalenderåret, jf. § 63, stk. 2 i landstingslov om indkomstskat. Kommunerne skal forinden have været hørt om den fælleskommunale skatteprocent.

I lighed med fradragssatserne har den fælleskommunale skatteprocent ikke været ændret i en længere årrække. Den fælleskommunale skatteprocent er senest blevet ændret i 2005, hvor den blev hævet fra 4 til 6 procent, som led i en skattereform.

Departementet påtænker i det forslag, som efter planen skal behandles på efterårssamlingen 2021, at indarbejde et forslag om, at den fælleskommunale skatteprocent ligeledes fastsættes i lovtæksten.

Forslaget kan eksempelvis se ud som følger:

"§ 63, stk. 2 affattes således:

" Stk. 2. Den fælleskommunale skat er 6 procent." "

Såfremt en sådan lovbestemmelse vedtages, vil kommende ændringer af den fælleskommunale skatteprocent skulle gennemføres ved en lovændring. Dette vil være tilfældet uanset om initiativet til en ændring måtte komme fra Naalakkersuisut eller fra kommunerne.

Hvis I har bemærkninger til ovenstående forslag, anmodes I om at fremsende dem til [pnil@nanoq.gl](mailto:pnil@nanoq.gl) senest d. 30. Juli 2021.

I er desuden meget velkommen til kontakte undertegnede såfremt der er spørgsmål til det ovenstående.

Med venlig hilsen

Inussiarnersumik inuulluaqqusillunga



Per Nielsen (Aningaasaqarnermut Naalakkersuisoqarfik)

Toqq/direkte 34 64 08

[PNIL@nanoq.gl](mailto:PNIL@nanoq.gl)

Inatsisini malittarisassanut innersuussineq:

**Aningaasarsianit akileraarutit pillugit Inatsisartut inatsisaat nr. 12, 2006-imeersoq**  
(Inatsisartut inatsisaata nr. 18, 2017-imeersumi aamma Inatsisartut inatsisaata nr. 23,  
2017-imeersumi allanngortinneqartoq)

**"§ 63.** Kommuninut ataatsimut akileraarutaat Inatsisartut procentimik  
aalajangiinerisa amerlaqataannik akilernerqartussanngortinneqassaaq, §  
66 takuuk.

*Imm. 2.* Ukioq pineqartoq sioqqullugu ukiup affaani siullermi Inatsisartut  
ataatsimiinnerminni kommuninik tusarniaareernerup kingorna  
kommuninut ataatsimoortumik akileraarutip procentia  
aalajangertassavaat"

[...]

"

#### **Henvisninger til retsregler:**

#### **Landstingslov nr. 12 af 2006 om indkomstskat**

(som ændret ved inatsisartutlov nr. 18 af 2017 og inatsisartutlov nr. 23 af 2017)

**"§ 63.** Fælleskommunal skat udskrives med den af Inatsisartut fastsatte  
procent af skala-indkomsten, jf. § 66.

*Stk. 2.* Inatsisartut fastsætter under en samling i første halvdel af året  
forud for det pågældende kalenderår udskrivningsprocenten for den  
fælleskommunale skat efter høring af kommunerne.

[...]

"

30.07.2021  
fki@sermersooq.gl;

Departementet for Finanser og Indenrigsanliggender  
3900 Nuuk

Sendt til oed@naonq.gl og pnil@naonq.gl

### **Høringssvar: Ændring af lov om indkomstskat, fastsættelse af den fælleskommunale skatteprocent**

Kommunerne skal hermed vende tilbage med kommentarer til forslaget om at fastsætte den kommunale skatteprocent direkte i lov om indkomstskat.

Kommunerne støtter hensigten om at spare den årlige inatsisartutbehandling af fastsættelsen af den fælleskommunale skat.

Kommunerne ønsker dog ikke, at den fælleskommunale skat fastlåses, hvilket en lovfæstning kunne give anledning til.

Kommunerne vil derfor opfordre Departementet for Finanser og Indenrigsanliggender til, at der igangsættes et arbejde sammen med kommunerne, der skal anbefale en ny langtidsholdbar kommunal udligningsordning. I dette arbejde vil fastsættelsen af den fælleskommunale skatteprocent indgå som et centralt element.

Der tages forbehold for politisk efterbehandling.

Med venlig hilsen

Malik Berthelsen  
Qeqqata Kommunia

Charlotte Ludvigsen  
Kommuneqarfik Sermersooq

Stine Egede  
Kommune Kujalleq

Palle Jerimiassen  
Avannaata Kommunia

Ane Hansen  
Qeqertalik Kommunia



Kommune  
Qeqertalik

Departementet for Finanser og Indenrigsanliggender  
3900 Nuuk

Sendt til oed@nanoq.gl og pnil@nanoq.gl

### Høringssvar: Ændring af lov om indkomstskat, fastsættelse af den fælleskommunale skatteprocent

INUA

Niels Egedes Plads 1  
Postboks 220 – 3950 Aasiaat

ULLOQ/ DATO  
27. juli 2021

Kommune Qeqertalik skal hermed vende tilbage med kommentarer til forslaget om at fastsætte den kommunale skatteprocent direkte i lov om indkomstskat.

Det bemærkes indledningsvis, at det indenfor høringsfristen ikke har været muligt at behandle høringssvaret i INUA-udvalget eller Kommunalbestyrelsen. Høringssvaret er derfor en administrativ besvarelse.

Kommune Qeqertalik støtter hensigten om at spare den årlige inatsisartutbehandling af fastsættelsen af den fælleskommunale skat.

Kommunen ønsker dog ikke, at den fælleskommunale skat fastlåses, hvilket en lovfæstning kunne give anledning til.

Kommunen vil derfor opfordre Departementet for Finanser og Indenrigsanliggender til, at der igangsættes et arbejde sammen med kommunerne, der skal anbefale en ny langtidsholdbar kommunal udligningsordning. I dette arbejde vil fastsættelsen af den fælleskommunale skatteprocent indgå som et centralt element.

Inussiarnersumik inuulluaqquilluta | Med venlig hilsen

Nicolai Odgaard Jensen  
Økonomidirektør